

通

父

詩

存

通父詩存卷之三

姚廉訪自海外被逮入都過南清河有缺將候旋奉

恩命謫宦四川欣慨交錯賦寄三章

甲辰

一片荷蘭土三年戰伐塵上功原幕府寬政出 恩綸大海
孤忠在皇天老眼新從來矜晚節不獨報恩身

四海窮張儉

謂亨父

何人惜禰衡爲公甘一死得士見平生過

嶺艱歸骨傾都看去旌猶聞上車日誓伴玉關行

執友黃泉滿師門青海遙

石父亦出侯官公門

輶耕心惄惄伐叛鬢蕭

蕭功罪書三策歌吟志一瓢海天從寂寞江路颯風飈

雜感十二首

九府瓊林積 三朝朽貫俱銖銖差至石一一悔吹竽莫避

青驄馬真愁赤水珠度支誰實領吾意問中樞

右族飛騰易高門點染新由來多幸地恐是不疑人株蔓無全獄憂危有重臣深恩當忍負天語日諄諄

銀幣終何益銅山詎有人大都開互市不必算千緝節儉朝廷意彌縫宰相身兵農氣蕭瑟慎勿擾軍屯

爲有芟薪急兼愁寇賊過椎牛爭養士貸粟卽監河山澤金銀氣乾坤雀鼠羅西園誰載筆新政太平多

寇退民逾憤財殫國尙支紛紛勞節鎮草草定華夷海色橫珠貝江風散雨旗不無防抵突猶及固藩籬

再有耰鉏聚頻煩玉帛盟邊民原向義國計在休兵飽積三年粟雄當萬里城幾回天上月一照海東營

史筆諸王表宗盟恩澤侯祇宜執珪玉不省缺斯錄義父能
安漢元公實祚周蒼茫開國日萬騎定神州

廟算憂勞日羣公引避年似聞營獨樂誰敢問三邊南斗天
軒輊東山地靜偏霜顛遺一老吹淚海風前

左相長虛位天心念典刑詢謀知有屬夢寐尙無形早月思
三傑他年問九齡空傳遺疏在賜地草青青

今日封 中旨何人抗直詞欣聞上殿語如見裂麻時牛李
多翻覆椒蘭足怨咨調停勞 聖慮雷雨兩無私

淇竹三年盡霜鴻九郡多不成趨漢沔何日蟄蛟鼈風色朱
仙鎮沙痕賈魯河司農愁仰屋猶幸海無波

冀黃久寂寞姚杜爾縱橫必若潢池斂先宜孟水清遷除今

傳舍威望古專城治理吾君共惟良頌太平

哭湯海秋同年

盛夏枉君書浩如風濤駛上感潘張逝下歎身世否君實早
通籍光鉛厲鋒齒千金不自寶烏鵲安足抵抗聲誦彈文五
日眞御史朝封夕見斥曳足百僚底轍車阻關洛輕舟犯江
海主帥死孤城灰心去吳市駿馬馱美人笑握手浮邱子除歲
坐河橋對君風雪裏每思託空文且復耗官米安知二十年
埋頭京華死君家阻洞庭墓草無見埋抉眼望西風滔滔大

江水

絡緯

乙巳

高館沾微雨繁音并夕烟苦添人寂寞終待月嬋娟露葉原

難定風林或遠遷豆花零落盡何處好秋田

聞林侯官入關再秉節鉞枕上口號二首丙午

失喜兒童叫從天雨露新焉耆人入漢張掖地通秦國有河
山福朝多老大臣薦賢蒙上賞此誼足沾巾伊犁將軍布彥太力薦疏

再上得

終竟朝廷意遲迴有歲年政宜操管鑰不遣埽鯨鱣漢使

初通馬

土蕃遮留漢馬公勦之有功河隍舊墾田公在伊犁墾田八十萬畝書勛勞史

筆餘事及三邊

蟋蟀

豈有聲難定緣知聽未真苦將階下意說與夢中人風露初
侵夜星河欲向晨玉墀他日好亦未稱閒身

過荀卿墓

丁未

六國尙縱橫士風日滔滔鄒嶧紹遠源蘭陵鬱孤標箸書炳
千載道與秋雲高上蔡無賴兒入室戈先操後賢務刻深議
論如牛毛立說非至公何以定譏褒三復成相篇感激生鬱
陶卽以文字雄豈不驂風騷驅車厯榛莽西日鳴寒條荒龍
縱樵牧豐碑空嵯峨寄詞守土賢展敬陳溪莘

雜詩

崇效寺中花滿蹊聖安寺裏幾枝低東寺車轍深一尺西寺
無人空鳥啼

江亭春酒濃如雨東寺車聲走若雷魚鳥漸知簪組樂菰蒲
翻爲管絃哀

西郊燕夢不能青
南苑龍沙起欲冥
一雨金溝春水活
齋宮獨有聖人聽

遼海雲帆路幾千
大農仰屋又經年
魚陂草泊無人問
望斷東吳萬里船

贈別厲伯符林少子

鄉近轉愁疾
天高漫激昂
長途錯昏曉
野次亂衣裳
悰緒迷春草
山河畏夕陽
峒峿翻累汝
百里送蒼蒼
不灑都門涕
淒迷戀舊懽
前途但妻子
老淚一汎瀾
亂鳥歸山疾
孤雲出海難
離堂惜明燭
短髮忍更看

少穆師自關中移節滇南卽事寄其公子

汝舟編修都

馬角催歸萬里途中原人望白鬚鬚三秦黎獻還愁思六詔
風烟定有無已仗麾旄安反側况聞干羽慰來蘇流沙黑水
天南朔一例春風入版圖

玉京公子氣英英元老芳筵叩姓名汝舟於湯相國座中
殷殷致詢遂獲往還夜仰星辰瞻太華春傳魚鴈到昆明旌旗南服浮雲遠禾黍東
皋白髮生不分閒關趨幕府弓衣遙與詠昇平

訂四農丈遺集告成感而有作

戊申

喬松壽千載烈士無百年人生有情識安能本根堅何況百年中傾身爲憂患文章挽運會古聞今不然中宵發浩唱鬚眉立我前滔滔夜壑流一去無時還後死非我誰力薄難仔肩安知百代後庶踐平生言

城南五里岡其勢如遊龍蘿才萬古底氣鬱青濛濛九年始

一來大柏吹天風石路洩秋湍霜草迷幽宮豈無懽笑人登

高送飛鴻

時九日同人飲於龍光閣閣在潘墓之西

我淚在卮酒下與淮流東辛

勤訂遺文此意當感通精靈期不來冥默傷何窮

君詩量山海翕受普萬有鬱積忠孝懷俯仰一高厚當其精
氣足往往入深勁將奇歸重泉此事付身後我非雲龍人昔
辱牛馬走含悲苦抉剔甘心受攻掊世或多口憎君亮虛懷
受絕臚豈不傷息壤一迴首

長安結客時襟裾連八表忝從鄒枚末壺尊侍幽討趨風多

國賓凌雲散天藻 皇清二百載斯文日再晶誦君投贈篇

訪舊生存少文章如車馬日夜送人老恐復先朝露斯事忍

草草掩卷數晨鐘
隕涕憂心擣

登馬陵

己酉

馬陵一小山遠勢有千里橫略大東來下飲崑崙水三月山氣發青天鏡無滓擂鼓拜玉皇闔闕煥丹紫百神儼冠佩羣龍翊階凡上陳霸王略下訴斯民否昏昏楚漢來紅塵鬧白蟻嗚乎糞土臣清淚濺如駛古井塞海眼修鱗蛻精髓萬事合變化渾沌何年死道人骨皮乾微茫記甲子苦說唐年樹安知今誰是登高迫暮景乾坤有高視不從赤松遊腥膻徒爲爾

王翁招飲馬陵山下適韋駕部奉使至順河不及展敬

寄之以詩

北山高臨北郭低東風吹塵西日迷黃流灝灝橋燕去丹樓
漠漠神鳥啼詩客春杵足鮚菜故人白馬來金題咫尺不見
獨歸臥卑車明發同鵠棲

題蔡通守後亭

作吏故不惡蔡侯佳有餘焉知簿領勞傍此湖山居黃河抱
君門葛嶧達君廬君廬復不高遠風來疏疏環湖三十里無
人有菰蒲鳧鴨往來熟亦未識簪裾東園紅藥花公餘時荷
鋤其後結茆亭草香泥新塗頗欲錫佳名題榜臨空虛六月
天風涼登高看芙蓉黃塵滿前路後約知何如

雨甚入於彭城

桓山山下雲白與買山接雨聲西楚來我馬嘶不發叱馭車

驅之已過奎山刹浮圖矯若空黃樓坐超忽句倨三五轉石
壁裂精鐵嵌空慄下視九鼎捲飛雪雙輪俯危檣鳥飛向城
闕平生鎮定心對天植毛髮古來霸王人騎危氣充悅飛騰
戰伐材慘澹英雄血成敗決一瞬坦途有崩蹙萬家入暮氣
疏鐘動騷屑且復就孤館張燈洗鞶鞬明登牧馬臺浩歌肺
肝熱

大士巖

山門下無地諸天肅高潔化身何年來窈窕乳竇穴深恩外
堂隍嵌巖中迸裂頗疑太古天融蒸費凝結苔壁漣雨痕塵
帷蕩華纈洞門啟夕陽靈尊澹愉悦天迴反無風僧老轉多
髮別院偶徐步飛花豔晴雪塵躅尙難畱朗性何由徹

放鶴亭

過巖風磴高崩崖剗中斷踏險手足並繩行趾頂貫遂登山
頤亭中原一疏散黃河下天西楚山互糾縵春晚雲日麗川
原霞錦煥濛濛見樓堞漠漠來鵝鶴古來龍戰地風雨飈颻
竄豈無黃鵠姿高舉邈雲漢文章久消歇山川入樵爨磨崖
數瑰詞標空映宸翰當時駐金輿碧瓦紛斷爛井間尙
風俗父老有歌歎憑欄指東流遙悽入瀛瀚

大佛寺

西山辭夕陽側身下東嶽崖轉風自迴苔滑足屢踐齋心拜
靈官目昭敢細辨巍峩十丈身眉宇山河遠上天下厚土十
指法輪轉向非緣山鑿萬牛何由輦太武昔南來旃帳蔽徐

充玄甲三十萬投地同乳贊足知佛力宏坐使虎威歛鐵垂
四大字渝精蝕苔蘚迴颶卷松杉金容宛慈善旁舍掩花木
僧出晝每鍵願惟七尺軀六塵紛難遣願假石室光收攝入
微窓

登戲馬臺

春山草芽綠杖策城南臺遠風起淮楚萬里蒼烟來山川久
變易雄姿尙崔嵬不聞瑤池駕荒淫窮九垓豈有開天主干
金市龍媒王孫旣西去亞父倏東歸王馬獨安之大澤空徘徊
朱公來逡巡下馬銜金杯闌臘棄不守得無皆中材每想
失主悲如聽長鳴哀日暮牛羊入浩歌歸草萊

中原昔喪亂畧索方邁患寄奴勤北駕佛狸亦南轍雄師十

萬乘立幄茲山顛揮鞭叱風雲意欲無江堧芭橋屬小卻使
命來周旋橐駝紫貂裘甘蔗黃金尊登城間何人長史姿翩
翩輝采照強鄰雄詞矜瀾翻音旨一以暢三軍嗟其賢攻闡
計不就笳鼓去喧喧築宮瓜步上水生復來還雖云形勢殊
得人理則全有險豈必守天塹長漫漫

登東城

東城背南山十步一回首林迷暮雨青峯遞歸雲黝霞石隱
奔峭拱揖相授受龍擎互頭角人立並肩肘沈吟天際帆帳
望縣南柳憶昨躡芒屨看山到石狗安知昔夢身已落前遊
後烟雲屢飲沐形骸益塵垢西日不相饒流連我已久

晚登黃樓

青山送白日長嘯登黃樓不見車馬來河水東南流雨苗靜
春郊風樹懷鳴鳩欣欣化寓洽城堞消我愁彷彿樓中人綸
巾紫綺裘古來飢渴懷不爲紳笏羞琴尊照天壤冠蓋凌林
邱豈曰文章雄主客爲千秋衰遲臥山澤命世懷伊周高風
駕鴻鵠顧盼皆有求君看萬斛船茫茫何時收

韓觀察招飲舍青館醉歸奉簡

公庭百吏散燕寢湛虛明微風動芳樹池館含晨清嘉客江
海流道貫能合併使君行春來飛塵振華纓上堂視絜羞下
堂延羣英吳粳白玉粲楚酒黃金觥肴炙雜蔬葷意取調和
平懽言交酬獻亦無冠弁傾彭城八萬家武寧三千兵以此
慶時雍豈不由羣情願歌樂職詩更觀儒化成取醉莫駕歸

公厨多朱櫻

濃青起南山寫君北堂酒清池自攔檻疊石宛戶牖豈惟樂
休燕兼用懷林敷氣清慮不喧百務可剽剖同也山莖人在
昔枉小友何用裨化理時來憩奔走庭深蛤吠涼樹暗鶯啼
久遲遲花弄階微微杯入口風流東坡老屈強山谷叟追隨
百代上雄文振矯更種南國棠細數西門柳高歌含青館
深刻庶難朽

望湖亭

西山怪石何破磈上磨礪車下陰火嵌壁疊磴凌險澀細草
纖蘿接嫋娜捫崖初辨丹篆紋敝扉未合青銅鎖騎危度索
顛更躋欲南反北右轉左才窮氣竭一寬然始覺長天平帖

委萬里洪河息聲籟一葉漁舟自歎簸青迴遠嶺外彎環綠
合平湖中澹汎霞光塵氣森慄人笑語未辨風吹墮長揖那
能脫韁絆循途徑欲煩輦裹石床權取半晌眠茅齋會辨終

年坐

白鹿洞

王考功二十年前嘗居此考功物化時自言本峩眉頭陀閉目雲根坐五十年矣

遊趣不厭深險窮得幽閑沈沈一世宦苦寂幾人至初通耿
虛明旁穿慘陰魅側身石牴角舉頭天在地繫昔雲根人面
壁此憔悴白月澹初心明珠脫纖翳一遊玉京旁淪落金仙
侍冠笏化山邱爐几永涕淚我忝精魂合未敢論根器腥羶
二十年茫茫數殘醉羣倫有扶植孤身易失墜道業兩無成

從君思美睡

同史廣文譚少尹坐紫翠軒石床品山泉作

山遊仗勇決既坐形亦疲階前得石床安用茵席爲草多自生香樹好無迴枝可以挂我冠解帶紛離披莖人進清泉瑩滑同琉璃豈繁泉甘冽在山味如斯開懷落朱果仰見幽禽啼清磬來遠寺始與斜陽辭

雲龍 行宮

長林帶薄日雨氣變丹赭回風蕩曾宮嶧嶧陰崖下朱鱗辭清池時鳥懼初夏居人指觚稜行客問梧櫓雖無官寺守未忍祇園舍當時霑粟帛故老淚盈把中外尙驩虞河山待車馬登高盼九區殷憂豈貧寡欲訪百年人浩歌與傾寫

贈允上人

上人先賢劉子政七十三世孫也年八十一偉乎魁
壘而神采煥然有異於人矣彭城山勢勃鬱氣當發
洩自士大夫文雅間并俠烈耳目所接無聞於時誠
不意縉流有此器業重以帝王忠孝之門可爲太息
者已

高皇四昆弟親賢一楚元功成食大國千里開東藩嗣王棄
昏德旁葉產璵璠光祿材冠古直諒性所敦經術掩賈董忠
氣彌乾坤每讀封事晝深夜必汎瀾精誠期感通末契逢裔
孫大師道氣足八十如飛仙熟精內教文指揮青囊篇往往
風日晴飛步凌南山山城百花謝躡蹻來禪關升堂肅下拜
大字書先賢掃階坐新雨師爲陳其端黃河齋山腹墓道隨

崩奔嵯峨北郭祠。棖桷狐兔鄰。撥草痛木主。手捧歸空門。焚
香爲牲醴。洗鉢爲彝尊。諸劉三千家。此事在老身。嗚乎墨者。
流子實忠孝。人不知守土。誰俎豆。徒莘莘。問答已感愴。笑語
還續紛。呼童具棋局。茗飲亦逡巡。我棋行落落。師也壁壘新。
覆局了無語。頭如青山尊。城頭噪烏鵲。日色低崑崙。辭去未
忍決。暮鐘淒心魄。羈人倦應接。道侶有淵源。時來論先德。永
結方外因。

十三夜月

望湖亭上月。今夜想淒迷。石榻連雲溼。山松翼閣齊。霽添隄
柳重。風過佛燈低。天果容高臥。全家亦可攜。

再贈允公

一日不見頭苦眩走傍吾師索鍼砭晝長香細綠陰間微覺
棋聲出松院收枰歛子縱清談拄杖徐行引方便已說精心
內教文更聞妙訣元和嘸千劖之鑪萬夫鑄當時鐵臂從風

旋猛士空嗟牘脅傷老夫未覺容顏變

城南舊有楊干金者與師角力舉鑪而死

神閒氣定山動搖塵沙颯颯來深殿殘僧徒知饜酒肉苦行
從來啖麥麪夜深星火暗松寮翻水遺經三百遍乃知萬事
有根器此老精爽幾曾見飯依深悔十年遲他日不羞供鑪

扇

觀允上人舉鑪歌

寶殿四合松風迴洪鑪據地何雄哉老僧八十頭聳嶽翩然
柱杖巍峨來石堂斜日初到地空階雨足無纖埃精金洞耀

百魅走摹抄萬徧愁雷回口講手畫出不意顛趾卻倚蓮花
臺允公一笑旋輕舉豕腹彭亨枕左股潘侯鼓掌譚俟貽謾
謾諸天墮花雨當時意氣軒乾坤城南北士好腰脅隻手賭
將鐘紐脫百步要著高樓柱惜哉駢子未聞道此事今人賤
如土山鑪夜燼秋雨寒夢裏猶驚門雨虎吾師吾師老更閒
每逢佳日必看山我有石床淨可坐我有湖亭好闌干他時
攜取鐵禪杖爲我拔石青崖間

四月十六日雲龍精舍同慕韓廣文攜譚兩生集紫翠
軒作

林容披微風石路縱遙明湖澹猶波朝山近如遠頻來徑
途熟未至情已緬垂垂拂青蘿厯厯橫丹扁初暉升未高蒼

翠入愈淺徒吏脫拘束多士欣遊衍文章道亦小幽勝事宜
選吟聲遠風泉棋床靜苔蘚諸君談轉清老夫力微勉靜聽
齋時鐘遙情已東歎

自桃山趨黃桑峪望瑞雲寺

林窮山徑惡峪口進徒步一水纔通履躡石得屢渡初愛雲
樵秀漸入灌莽互豁舒千尋紆垂信一路淒增石氣寒慄
疑虎風度浩浩林籟奔白日慘已暮青嶂奮前崖丹榜始高
樹且復遲叩關煩君一回顧

入瑞雲寺

入寺仗引接欄楯行威遲世尊苦雨色闇黎村農委長者自行田弟子學言詞坐客開南樓酬對及東苗古來第一義本

爲衣食資苦身謝百誘是心卽菩提雨洗暮竹色風動新松
枝永保眞實性何以金碧爲

瑞雲寺阻雨竟日

風溫谷有香雲沍山無姿晨光倏晦薄蠟雨遂離披鐵鳳俯
孤騫蒼龍中威夷萬綠陷元坎孤烟起無時洞天閻未開神
女行及茲醍醐洗我心披衣起嫌遲

孤陽蕩驕陰曠姿時一露黃涌大地塵黑入中嶺樹五色亂
鴻濛一白泯迴互風淒樹已秋谷暗午方曙巢居太古天撫
心起百慮下土夫何知矓矓隔烟霧

木魚響無期空山錯昏曉烟火絕萬壑失時怨幽鳥山童睡
爛熳老僧恤飢飽村沽必十里登頓媿泥潦足知白雲中不

獨流霞好醒面待飛泉餘聲漱林表

危樓俯風臺林霏歛夕靜未轉西霞明已合前峯暝慘綠愛難名曛黃耿微影天容霽餘善潤聲遞遙警豫惜晨駕遄樂共夜語永安能斬六根燈龕耐清景

山中早起

幽起先明星天人一交動坐秉佛火光受此羣峯擁中年寡獨立世味紛百孔初氣入我懷寸心炯孤捧海色紅欲波山毛翠逾鼯樓烏警未飛梵潮靜已涌機懷偶萌芽鞭馳向枯冢願反皇古初煉心入鴻洞

晨陟後山觀洗鉢池

雲天垂光采露氣蒙一山樵僧稀來蹤荒寂難具論解衣挂

崖木跼身穿嶺菅微逕無定端連雲走闌干危急親荆榛刺
手中心寒仰見石氣青始映朝霞丹樹石同一根蠅蘚爭爛
班窮縗入風竇側近聞潺湲恐非渴飲資未涸湯年乾嶮窮
得尺地喟歎心寬然冥冥萬木合絕磴安可扳

樗公壇

幽壑深可思樗公自書詩篇惟五字可讀餘皆缺佚得之樗公篇清詩用心苦

安能衆口傳生前布黃金死後無一椽樗公所築棟窩已圯真體入地

脈喬木上參天宛彼不壞身情識當棄捐遂有樵蘇登青山
無百年車過動深喟傳語後來賢

出谷行二十里至龍泉寺

好山無定姿往復嗟愈妙橫側殊面勢千盤不一肖嶺雲俄

北趨崖日轉西曜山禽苦留人溪流勇前導中途稍改轍觸
境遂深造披寫乍空明沈吟歎荒奧幽蘿拂一山涼颸颯然
到淵阻未遑窮茲焉領其要

道羅家港至二十五里橋

昨遊遵東麓今返傃西嶮馬嘶舊途非林枉靡所漸鷹湖點
微明箕谷勢多掩山揚日穰穰原穎風剗剗一村何窈窕烟
霏自薰染農勞嗟未休坐食得無忝歸亦驅吾兒躬耕傍厓
賺

瑞雲寺南樓

佛火懸危磴當頭暗一峯撥泉初過屐籠燭細看松壁畫澗
愈潛山蔬飲漸濃下方聞梵唄祇少暮天鐘

蕭縣無鐘聲

送在上人歸安宜

上人善
製硯

昏態明珠翳眞詮
軟語通吟詩千樹
杪琢石萬山中衣襪
湖田綠燈幢海日紅
東歸思寶筏乞汝大
河風

柳泉

庚戌

茅城達柳泉山行道彌惡亂峯無主名崖塹自糾索新烟驛
樓重細柳禁垣弱古來金碧地夢寐成今昨匪無百年人謳
歌念耕鑿西馭不可畱初陽澹城郭吾身尙風塵萬事有迴
薄沈思高廟年清淚臨風落

舊有行
宮今廢

微山湖

宿昔苦見山前行臨大湖暮氣合天地魚鳥聲相呼中流有
舟楫冥漠還疑無吾行仗雙輪此物非所需雙輪有時摧風

波不可踰

望月懷遠

沙如流水月如銀樓上愁連馬上春不用關山照顏色最分明是夢中人

贈葉潤臣舍人

濟濟豈弟人使我肝膽盡結交十五年表裏一端謹哲兄撫南服萬里靖電鼴山嶽蕩洪濤顧步氣深穩起家列茅土君也戶每捷朝衫積垢汙新詩日清損爾來風會殊羣賢驟鑣軫文章篤師訓君師事潘四農忠孝已根本紅芳晚霏霏別酒春泯泯違離那足道繩墨失牽引君若登台垣風期展閼遠

石門橋

五里見濃陰乃是石門橋午風動虛籟林影東西交新雨蒸
驕陽清流映衡茅下馬展茵席俯眺臨青郊古廟擁東北叢
木千雲霄聖跡信所崇附會非一朝尙想避世賢英賞不可
招回首謝吾徒驅車荒江皋夕陽汎孤鳥千里一遊朝誰能
久不歸吁嗟身世勞

雜感五首 辛亥

四序功成事可知紛紛牛李怨何爲承恩每覺趨朝蚤密議
微聞下殿遲甘考機樞從古少十年和戰到今疑 主恩深
重容骸骨常憶 先皇付託時

邊風吹徹鬚毛霜三載旌旗護雍梁已許投閒老王翦漫從
推轂問馮唐會師海上朝乘傳輿疾軍門夜起行畱取雜耕

心事在漫天哀鴈下湖陽

一柱天南舊有名貔貅坐擁十州兵畫江妙算期全勝跨海
餘威仗老成沙起川原迷短蜮風高溟渤動長鯨蒼梧萬里
堯封地猶有羣山氣不平

謂徐制軍

牂牁江急雨瀟瀟萬里封疆不寂寥賜劍幾人開幕府徵兵
十道降星輶瘴烟滿地心先醉明月中天氣尙驕聞說前驅
新破虜可曾親見霍嫖姚

料兵轉餉事艱難忍聽哀鴻大澤寒每以苞稂傷下國又將
擗土困都官事無奇策籌前箸法有新章柱後冠再使至
尊勤旰食也應相對涕汎瀾

通父詩存卷之四

三月十四夜試院對月卽事有作

壬子

合藥嫦娥去投壺玉女來霜痕悽輦谷花韻倚樓臺宛轉三珠樹流離七寶杯似聞青鳥喚日日駕龍迴

問訊天邊月衡陽有鴈聲苦將燕地夢還覓漢家營左校殘驥果中樞憶點行蒼茫立風露大角太分明

痛飲思前夜中丞報捷書市蜃知未改士馬竟何如已失重圍險仍推上相車由來調燮手輕進不關渠

黃河一千里無路下滄溟沛國沙全白湖天草細青風雷爭頃刻璧馬失精靈莫問司空籍君王不忍聽

袞袞鼴家令寥寥卜大夫堯民原向義漢法慎多途四海畱

元氣三司仰大儒盈虛闕至計哀恤向肌膚

讀史偶作

七校秋風指上蘭從臣都戴惠文冠相如諫草分明在莫與
鄒枚一例看

講武

野色長楊館春風細柳營君王思講武閩外正嚴兵扈誓
冀天罰岐蒐起頌聲子雲能獻賦可望漢公卿

呂祖閣道士是仁宗時宮監

皓鶴歸來月似霜明鎧殿角鐵銀鑰白頭宮監無言說暗誦
多羅報睿皇

秦平陽斤銘拓本爲王比部賦

周鼎浩淪沒六國皆西馳秦皇張利吻一一強食之盡收天下兵金人鑄中馗餘者斤鈞石輕重手中爲縣縣三季法掃蕩無子遺河東股肱郡頒式先及茲吏治雖刻深畫一故無疑豈惟黔首愚鬼物猶訶搥土花何班班鐵鎔何纍纍尋文辨其端作者丞相斯尙賴文章雄閩位參尊彝奈何作法涼而欲追軒羲鍾簾忽不守一火金鐵飛持此媿龜鑒永爲來者規

葉小鸞眉子硯爲王孝廉賦

宛變一小硯其重如玫瑰隱隱缺月光撫拓生光輝豈惟貴美璞嬋娟所寶遺遂令摛藻士治語相追飛王郎玉立人靜抱寒女姿結廬綠陰下煮石常苦飢煮石尙苦飢何況畫蛾

眉無以飛仙骨受此京塵縑願言守貞素磨涅爾何爲

致經堂圖爲孔舍人賦

去聖日趨遠衆家日趨繁萬派統所歸如海納百川豈無非
聖言可以一火燔與廢無如存聊用備一端茫茫好古士百年窮朝昏疲精則可嗤放失良足歎君家道之海乃不遺細
瀾區區漢宋說東西一井闌永砥立身節此事爲籬藩去去
重回首斯堂霄漢間

題孫芝房同年蒼筤谷圖

聞說蒼梧野層陰萬里生遙憐湘水曲尙有風簷鳴紫蓋微
茫遠黃陵慘憺明關心向樵采不爲子規聲

盡謝長安客聽君話故山琅玕日應長鸞鶴幾時還晨珮趨

三殿春愁落百蠻丹青訴眞宰亦在有無間

題伊漪君菰蘆息影圖

官閒那得似沙鷗地僻猶聞過八騶祇有烟波堪息影可知
野水亦橫流

野鶩山居圖歌爲鄒孝廉賦

千門走馬日披君山居圖林巒秀發不可以逼視但見青蒼
一氣盤空虛生不識資江源夢不過洞庭湖胡爲寘我首望
麗晴翠已似沾衣裾長安逢鄒陽鶴立長身軀肝腸浣若雪
文章唾成珠裏中久藏活國手正待插筆天門趨不慕瀛洲
仙時時卻夢山中廬君不見衡嶽以南風沙麤黃鼠戴頭追
赤狐壞雲壓城驚夜鳥烈火三月燔蒼梧一嶺之隔更何有

未免猿鳥中宵嘵
鄒生此時可上書
乃欲高枕尋菰蘆
南山真天都雲漢汝溪天下無武陵桃源在人世迷陽卻曲
悲中途還君此圖增煩紓

畱別曾滌生侍郎

先皇棄羣臣 遺詔在中外冲懷體恭儉立法準萬世兢淵
三十年憑几猶寅畏禮從 七廟降道與三古邁吾 皇篤
孝思 詔下殿廷議侍郎首陳謨精微動天地上帝明神聖心
下推臣子義屢領 至尊顧退朝聞拭淚此疏遂流傳海內
想風氣老夫時被放喜極忘身退爾來又二年時勢頗殊異
風雨長萌蘖滋豐積彫敝大陸起蛟鼈長天走魑魅殷憂則
啟聖衆正尙征彙學士辭危激侍御氣鋒厲至於陳艱難公

憂滿眉際憶昨枉深巷從容屏車騎朝衫入疏雨履聲踏寒
翠初訪祇文雅少深及世事未稱傾吐懷益知慘澹志驚颺
送西日紅芳隕寒吹黃鵠幕高翔白水東南逝深感辭大臣
況欲謝流輩尙懷魏闕心重以憂生累浮雲滿西山大塊一
吹噫疾風迴高枝勳德公自愛

過南苑作

繚垣亘百里擁沙起堆阜巍峩九紅門海戶爲之守川塗砥
如掌草樹自紛糾春野秀葭蓬秋宮冷櫟柳先皇謁
山陵迴蹕駐郊藪肅肅旌旗入詵詵羽衛走網看一面合
令已三驅後馬前起綯免御矢注在手一箭巧蠱雙天
笑爲之久從臣呼萬歲六軍沾牛酒此事經幾年父老終

在口老儒歸山澤駐馬趨道右摩雲仰新官盪日開翠牖
當時擎天班屬車載尊卣永瞻慕陵松流涕感恩厚喬
林風迴枝新禾露盈畝夕陰啼劙吭夷塗散歸夙欲去苦未
忍重來恐非偶將身化草木近天復何有追賦攻車篇歸報
山中叟

鮮花會辭

鹿銜瑤草出天家鳳啄靈芝又苗芽萬國風沙渾不識年年
海戶賽鮮花

送戴五鈞衡歸桐城

戴子強仕年真氣震屋瓦雖抱出世姿未敢小天下纏縣事
友生辛苦復騷雅長安多勝遊真賞蓋已寘每逢略崖分時

一就杯筭洪風振天闖九途紛去馬羣公方歎嗟登車一瀟瀟瀼露被林柯微陰薄炎夏道亨不在朝身屈不在野夢夢白日中誰是千秋者

遊雲興八極會合上天都應龍昂其頭百怪爭先趨盤桓太清中戰勝不須臾司霆一振盪解駁歸山隅與子各一山澤氣潛轉輸升天則爲霖降亦還吾初莫養黃長虯乘霧恣睢盱與爲尺水波亦活涔蹠魚惜哉羲輪馳重以湯苗枯寄謝鴻濛君故山復何如

桐鄉數先賢方姚去已遠豈謂文章雄道力肅高塞後來或疏放支別各流衍子年實英少尺寸視履踐所虞神峯峻未極法輪轉屢挫氣當夷戢翼睇一展皖江波瀠洞龍山境深

通志詩稿 卷之四
淺世事姑塞耳躬耕守墳典王塗若清夷呼子共勉

同昔少年時顧盼多老蒼朝野三十年白楊風茫茫訪舊每
涕洟感子言蒼涼問年未爲衰視子居兄行我病在跡跑子
氣太矜方怪石資磨礲交流聲雷硠今夕平原飲明日趨河
陽中原鰥鶻多出沒難周防善屢非驛驅易缺非干將青天
萬里途慎善毋相忘

送符孝廉遊皖

前年見君彭祖樓紫衣吹笛沙棠舟黃河驚浪作山立一日
不遣風帆留今年見君長安道翠幙華纓覺君好高歌清切
上浮雲醉舞婆娑落春草明珠白璧抵公卿飛絮遊絲不繫
人低徊北闕能無意跌宕江湖忽有神南歸我指清淮樹攀

裳君渡蘭陽去浮渦絕潁下濶廬要看長江射蛟處蕭蕭易
水今宵風幾日青山見皖公乾坤此際看長劍風雨何方託
短篷名藩意氣傾山斗金高南山起爲壽百年文物尙清時
一代權衡屬君手皖藩李君屬君選詩之役戴侯健者才有餘青雲歷落
滿前途似聞西上雙龍引憶否東飛一鶴孤

南沙河兩夜聞軍中急遞有作

萬國竟何象中宵屢此聲掩書愁自詰繞柱起孤行風雨纏
兵氣江湖隱亂萌微生託餘慶沮澤老歸耕

嶧縣道中

北來久不雨一夜水增波新綠麥中出亂泉橋上過山如行
客倦樹爲望鄉多歸臥疏櫻下炎蒸爾奈何

自嶧縣舟下永水入泇河抵宿遷舟中雜詩

陸行厭塵壘川塗散駕蕩稍稍親鳬鷗翹翹入菰蔴永流駛
南趨泇渠浩東枉崩崖坼蒼巖渺焉津渟廣風草沒依微岸
戍出疏朗泥茲天水明喜見鬚眉晃蒲帆終一挂江海遂孤
往荇絲不可舉南風日以長散髮吾何求裸身佐操榜

高廟趨臺莊十里八九轉迷方身一旋犧山終在眼風期不
我遺於命未爲蹇登艤送清眺涼颸拂餘善殷雷陷西日茫
茫別羣蠍市岸晚逾湍燈樓暝如遠夜眠得安枕猛雨破窗
櫓童僕聚一隙尺寸敢舒展勞悴故由天巧避或未免大哉
乾坤內幽人道坦坦

昏波蕩衆綠山氣夜來吐夢驚赤日升過枕聞飛觴披衣休

已遲抉眞傍篷戶濛濛汙水花汎汎白羽澄澈憺夷猶驚
濶忽掀舞似聞鯀人泣蟄龍滿水府前登王母山揮涕望元
圃洪波坼鼈足戴勝空野處豈無銅山金半化河津土願追
雲駕還一拊飢流苦

荒山斷馬蹟濁流揚哀聲殘垣帶墟邑云是梁王城元黃昔
驂蹻南北以忿爭少年殺長吏朝暮成縱橫世昇歸剷除餘
腥流剽輕狼顧幸時艱中宵篝火明沿天覆泽流二儀無光
晶山澤聚歲惡蛇螭相迴樂不斬井中蛙終爲橫海鯨勿聽
市兒歌聽之心膽驚

西瞻宋唐山東眺碣頭湖長隄何蜿蜒據抒今淪胥側耳無
哀鴻化爲湖中魚百萬葬其腹得魚忍食諸人魚同一盡天

地爲洪鑪莫貪腹下腴看取眼中珠棄魚撇波去千網遮歸途亦有轍中鮒微沫相吹噓吞舟久爲龍此類自泥塗安得

澹沈蓄與爾分賢愚

岱畎畎東服百谷西南流黃河奪泗委蒙沂無歸休暫山斷馬陵六塘爲嘯喉長虹徹霄霓康衢莽悠悠地軸脫其輻沈哭聞數州萬派隘一門旋斡趨上游遂使升斗計久貽黃屋憂喪中本務書叫天雲正愁扁舟適決漭饑懷親咨諷梁肉寘英圖吾採漁人謳

宿桃源驛

南下欣浮櫂東歸又改轅雲帆澹洪澤風柳入桃源花暗春泥驛衣明新月村侶徒齊所羨笑語隔宵存

入門

馬蹏如推車脫輓客子入門泥一尺雨溼蠶粉亂床頭風引
疏花蕩牆壁拂拭莓苔安枕席兒取圖編女脂澤八荒四海
同一愁手寫歌詩振金石

塘水瀲瀲溝水闊客子入門泥沒鄰庖畜生菌螺蚌遊登場
小麥飛蛾出溼薪不燃有底急市醞難賒最倉卒西南長戟
暗連天忍飢誦經吾可畢

贈周生

癸丑

紹衣誰家郎銀鞍騎大馬新從河朔來血戰大行下主帥丹
旌歸中丞李吉人脫身就里社妖氛纏斗牛江介無片瓦將母豈
不遑豺狼嗥中野怪子何淹畱清淚墮杯盤懽場易荒忽扁

舟賓瀟灑落日照行營長淮哀湍瀉贈言尙慎旃古道今已
寡

贈傅明經

桐

卽送其之山東

飛火黯中原君從何方來風波滔日月徒旅何艱哉北首指
齊魯此行非所諧亂離賤儒雅或逢狼與豺豺狼卽所親豈
惟兵火戎邑有賢主人將子且徘徊華燈照高筵中座歌聲
哀百年浩已半萬事絲安排贈子猛虎行閭閻安能開

降兵一夜變飛矢及君屋堂上鶴髮人整妝秉華燭白刃晃
街衢寒機侍幽獨此才可十萬嬪娟老儒服示我諸將作深
心仁邦伯州郡豈無人所嗟更代速四海同旅廬誰能親骨
肉焚掠甿尋常龍蛇將起陸百言莫汝誨浩歌去空谷

送賞大

禮

去年重九日送子歸南州今來鞠再榮戰血如川流亂離瘡
瘡多軀幹何豐修不敢臨郊衢論心倡家樓十年佐幕府抱
奇歸樊邱天心有轉旋曷謁東諸侯君行但搖手落月清波
愁可無當筵驩蛾眉持金颯扁舟尙不顧五湖安可求炯炯
一寸心與君從白鷗

題何子毅效錢南園六馬圖

甲寅

嗚乎南園不復作道州宿草同寂寞諸郎并是渥洼姿絕跡
騰風向寥廓長者神清吾未見畫裏驚蓬巖下電想見高秋
下筆時天闊萬匹開生面山深樹古雲物奇天空海遠風沙
變自是昇平考牧圖豈意寰寓今酣戰道州一破湖湘危諸

弟相逢淚如霰去年子貞入都行至淮南園諫疏更何人萬
陰聞道州彼相向欷悒南園諫疏更何人萬
騎秋風擁畿甸披圖讀跋重沈吟對床風雨憶情深爲添一
掬蓬瀛淚報與三年劍閣心時子貞視學四川

周止安畫冊爲周蓮亭大令賦

畫無題印大令於揚州亂後得之真止安筆也大令
方爲雲臺之游幽巖絕巘與畫中一一惟肖若止安
豫知有今日事者爰各繫一詩而包安吳爲題其首
後一年余至東海則安吳前歲死矣念舊懷賢斐然
有作

周子才如馬脫羈指揮百怪風雨馳奇文巨冊棄滿籠長槍
硬箭森陸離有時作畫愛雕刻十日一水五日石大窮元氣

細秋毫寫罷茫茫自嗟惜學書頗重包慎伯端已而外畫無

敵記揮老淚託生平夢裏傷心漢水聲十五年中事反掌包

老亦作解家行

止安將游漢陽臨行謂吾與慎伯他日非通甫莫能紀其生平明果率而表幽之文至

今缺如慎伯去年扁舟避亂遇盜而傷其年冬亦沒幽冥萬古負兩友戎馬餘生戀升

斗卽看一髮是青山那得扁舟同白首湘潭文孫頗愛奇揚

州肆市偶得之竭來雲臺中昂首賦新詩三磊吞混茫九龍

拖威夷金牛玉女望不極別峯幽巖森蔽虧玩弄丈人松顚

倒翠屏姿畫懸在壁詩在口以畫配詩左合右天生神物有

同歸包老大字妙奇艷夜深星月下中庭山鬼入戶秋燈青

瑣花梅嶺事荒忽斷縑遺墨嗟飄零乃知二老眞精靈往事

獨說無人聽來朝高挂雲飄去海天無際窮追尋

牡丹畫卷 乙卯

禁晴惜雨送春天
錦石雕欄暝欲然
車馬不來銅鑰掩園亭
深鎖太平年

清平第四聲

宿遷道中遇西川張孝廉

懋康二十韻丙辰

天台隔風濤送子渺雲漢豈知十二春

萬死一相見

道光二十五年

相見淮上時君有天台之游

握手各問姓驚定淚被面嗚乎廉吏兒奇窮

命如綫荆璞非一別文身屬屢竄粵寇蔽江下孤山守中斷
大府走單舸中丞抱空券君雖小身軀流離勸轉戰再扼集
賢關登山眺鞅絆苦闌午過申江河一奔散夜黑入深榛血

衣叩僧院仰天看星河凌亂走飛彈三敗失舒桐主將死
國憲灰心問家室潛身傍虎贊輾轉兩經秋面目改漆炭終
懷報主忱自拔出江岸脫嶮赴皇塗夜枕猶澌汗問答
苦難詳顛倒說離亂看子終一奮國恥豈下咽眠食幸自
將皇天照多難

半城

海內榛菅滿山中鑿礪平溪明沙數米谷暗柳戚戚呼犧地
中出放犁天上耕那知豺虎逼此是太平氓

青駝嶺大風

蚩尤吐毒霧百怪雲端來獅象舞爪牙狐鼠皆爲灾巨者鄒
沙石細亦揚烟埃坐令赤日光不照軒轅臺我欲騎青駝青

五
崔巍玉鑑
轔金鞍凌風尾
翹昂首叫天闔如聞鳴聲
哀猶猴駕士牛十步九徘徊
鞭駝駝不前桑榆忽西穢夸父
徒妄逐姬滿非仙才

公氏山居

柳節忿忿近桃墟
冉冉深冷風渙沂水
晨氣潤蒙陰池動濛
魚樂籠藏楚鳥吟
他年歸卜築寫放一披襟

登岱至一天門作

朝曠蘇萬峯
絳氣橫百里海色動衣裾
松風半天水天路初
坦夷地脈闡
隆起安識寘
身高俯首城郭是微茫
汶陽田歷落
明堂址
麻蹊登封路
萬古吾身始喪
夏出閭
閩龍虎宛夷
俟雲知
開闢年樹識
漢唐祀
百歲紛
且暮九霄方
尺咫發軼

歷華嵩浩蕩何窮已

斗姥宮

靈宮俯丹壑初景蕙微陽所居界人天接引多芬芳旛幢靜
不飛几桉浮幽光延客敞雲軒澗寶鑄明璫始知東帝雄百
態皆包藏弟子十餘齡纖步羅瑞獎生天良已難作使可憐
傷山石日巍巍山松自蒼蒼安得青鸞翼送汝白雲翔

迴馬嶺

稍度伏虎廟已過迴馬嶺浩與塵土辭苦心躡幽迥大壑垂
天潢危磴接修縗磨蟻左右旋峽猿踵頂並迴風激東均辰
日忽西影升降目一眩九天下蒼冷林明得沙塗石壓阻叢
梗微茫瞻帝居吁嗟霄路永

半山亭

時已
圮

半山亭何如陶裂不可縛萬事誤中塗此山非立腳輿夫覽
憩息徒侷意前卻青穹蕩巍巍金光儻流鑠如聞鸞鳳迎笙
璈奏萬壑顧惟衰白姿中歲腰呂弱道有如象石風吹萬丈
落途中巨石非一與夫云今年正月十五日風吹落也閉目棄不顧雙身思一躍虎豹
深九重高厚終有託

憩五大夫松下

風從何天來晴霽散霖雨沾灑雲中橋拂面萬花舞朱欄
相接玉砌粲可數足知天帝尊茆茨陋皇古亭亭雨蚪龍秦
時之所樹親見咸陽火未備阿房柱古榦或非舊託根自天
府構桑有榮落月桂遭斤斧人天盡更代子孫非父祖醉呼

祖龍魄萬世今何許

萬松嶺

萬松爭一門石角走磕磕陰巖中咷嘷翔陽避在外巉巖慄虎豹天光忽破碎亭午山氣合尊靈萬方會低偃張幕帘高褰樹旌旛想像絳節臨家厯鸞聲噦混合青冥中風濤一世界旁徑緣縈紆紅牆宛襟帶未必飛仙駐去鳥入已隘拊膺起歎嗟聖有垂堂戒

嶺下有昇仙洞石路斷絕

南天門磴道

十里見天門五里升天階推轉日月輪涌溢金銀臺層霄架元玉露氣浮丹崖作使雨腋風影搖凌三台俯媿塵濁軀中天一徘徊深荷金繩接宛見紅雲飛青冥滑側足寥一煩安

排莫倚唾成珠殷爲空中雷所貴介石心不貴凌雲才

登日觀峰

震宮秉木德日觀聳孤標盡納生方氣坐擁羣神朝維時二
月中斗柄臨青郊躡衣御冷風東挽扶桑條海水忽西流百
怪矜宣驕安得鞭羣山極天駕長橋徧通諸島國琛賚聯征
鑣惜哉千舞歇不得聆虞韶六龍何道游九日爭風飈威弧
彌勁弦坐見毒霧消瀛海重清明萬里窮秋蒙顧瞻想吳楚
白髮穆飄蕭

登玉皇頂觀古封禪臺

白日麗中天流光散層巒巍峩帝居壯祥雲繞闌干跼身踐
崇基仰見金墀丹煌煌七十代珮玉鏘鳴鑾升中舉大祀望

秩欵柴燔豈有金函文券
壇茫萬古風吹冷東封乾願焚日禪作浦東
猛獸羣再迴洪小瀾萬國車書一
東魯鼓淵淵玉輶動時酒牛酒賜元小臣
頌永憶

正戊門

油油

高宗年

碧霞元君廟

天宮集羣愚杳氣一山動叢雲
城開族族花艾蘿奔走萬
方人所費無乃尤禮因流俗盛足爲禱祈
九鼎膏血乾一
殿觚稜聳鑄鐵繡作花鎔金柱成拱闥
二百年力與邱山
重神靄發天光爐灰聚成冢雲扉半
玉女池靈凡澹搖落明發尋在望
渺

東嶽祠

勸躋北斗臺
東嶽祠主玉暴露
日不知典守誰
爐鼎黯不輝
巖岫寒無委
磨崖有述作
大放琅魄洞金薤
垂琳琅快劍
研蛟螭有司困
徵求捶搗何纍纍
開元龜成康燕許
追龍夔斯文秉元氣
風砂安能摧
陰廊積雪多
如琉璃飛夾
兩青鳥亦在仙壇
於嶧山此聲音人影歸
參差余亦訪碑罷
獨與斜陽對

下山

天門樓

恒道天門客
悲歌響林安
知情虛表復此空
中樓梯石出
碑睨北風聲
正道徒觀盡黃埃
茫茫蓋九州
齊魯失戶庭
汀濟空交流
曉河入海大名驚
赤城雲渺渺
列崑崙九道錯

垣日輪將安投我非御氣人疲精條來游未窮千里眸已觸
百年憂如何墮塵土日日從蜉蝣

齊河橋

長虹駕龍鼴高與齊城齊如何故鄉水到此不思歸禹蹟昔
幾更旁出今又非似聞達識言此非人力爲哭聲震中原櫟
栢不得施二瀆會湫油千官遠崔巍登車西日冥濛清知何
時願分酷權惠先與問瘡痍

自阜城至河間道中

嗚咽滹沱水長流戰伐聲虹霓白晝人鬼雜孤城野市畱
軍竈春壕剷賊營如聞諸父老猶說酒漿迎

四月三日同人祀顧亭林先生於報國寺遂爲展禊之

會賦五十韻

同昔來上都惟宣廟中年朝野方驩虞紅塵溢街廩公
卿多魁梧折節能下賢城南冠裳會車馬如波瀾江亭揖太
行佳氣浮晴烟鏘鏘鳴珮玉肅肅陳豆籩沽酒必芳醪割擊
必肥鮮妙墨永和姿鴻文流觴篇朝士或不與與者疑登仙
以茲盛傳播亦復遭譏彈中間隔世事我又歸田園及乎

嗣皇初重道開經筵廟謨急軍食教則師儒先開國
有大儒遺文日經天春秋肅將祀廟貌巍如山招揖九州士
牲醴陳階壇鰣生忝下風拜跪中雜虔默想斯人徒會合欣
貞元顛倒王霸略斟酌周孔編實錄甄累朝形勢窮九邊雖
非王者師將相盈其門當時開太平此老實仔肩惜哉風教

歎文雅生裁患既始邪淫辭又失教養源中間吏治衰武備
餘空筌蠱壞久西南一決成潰川江漢爲荒蹊吳楚無堅垣
震驚及畿郊天弓始張弦兩載河朔清惡首猶未駢已覺元

氣蘇中外交驩闌昨來拜 闕下金爵浮雲端新綠靄 御

溝繁紅騎 上闌列肆璨珍璆遲日明管絃有時衝風出訪

舊塵沙間官闈或已崇門巷赫新遷中惟葉潤臣
侍讀
舍人

讀山人

矢志同鹹酸官米但易書暇卽空芳尊故交已晨星新交多
英騫再續城南游先之陳炮燔入門心惻愴有廟無籬藩地
懼空王奪司無典守存大松起寒濤西日低城闕歎如精靈
來憫此生民艱座中桂林客朱伯韓
觀察五載疲戎軒何況兩國
老陶龜香張詩
舲雨侍郎身荷 三朝恩努力佐中興埽蕩清乾坤商

頌土芒芒大雅車檀檀且誥周戎兵勿陳虞羽干功成薦
太廟巨筆摩天垠浩歌去滄波鳴乎行路難

題葉潤臣江漢歸舟圖

大別山前漢江水直下吳楚三千里危樓傑閣照中原列鎮
雄藩竟誰是湘江霧雨蒸長鯨五年三繞漢陽城晴川鵝武
驚飛盡玉笛樓頭起殺聲昔年江上千帆影蜀錦吳鹽交四
境暮雨曾無檣榜人惟見寒潮向山靜君從何處覓歸舟夢
裏虛爲汗漫游何如乞取雄師出十道風帆上鄂州

再題城南買醉圖

東邊日出西邊雨一春狼籍風與土二十九日醒何爲三萬
六千觴屬汝聞君節飲經幾春止酒復開良有因自從前年

漢陽破一夕翻倒頭上巾從此花前屢洪醉有口不挂人間
事長安酒價比兼金脫卻朝衫送酒肆新來酒客汪仲_穆與朱
伯_韓我亦忝竊稱酒徒天津泥甕來百車城南城北提胡盧不
知千日醞醕睡得見三方清晏無

南歸述感雜詩

謁 帝承明館被放歸田廬遲迴出南郊山川增煩紓恒陽
氣蒸鬱百卉嗟已枯微調半中原誰復安井間所幸畿輔氓
盡室把犁鉏一雨小麥熟再雨春苗蘇豈有蒼昊仁不照
皇躬劬每懷遇亂略先陳本務書十說不得伸一身安足圖
惟王操利權法始周九府五銖隆漢業三品逮孝武後來更
變制輪廓彌規矩重或相什伯窮則代以褚古大臣謀國流

極早深覩豈有幻化方百萬一朝聚名實旣已懸廢興寢首
主苦窳勸奸猾巧僞騰商賈獨有法嚴明不化民愚魯不見
固安道重寶棄如土

上幣積已多重泉鬱不流設法求疏洩乃以名器收以虛易
彼實折閱亦易酬峩峩九門內冠纓與雲浮朝出御短轂日
暮擁華輶六曹近膏腴丞署頗優游豈無馮公嗟幸免臣朔
憂遂令揚馬徒失計升瀛洲不見曲江醉歸來典敝裘

士有甲乙科皆可宰百里遂於三涂內獨負清流美上懷奉
檄榮私亦爲祿仕自從軍興來千里生荆杞節使申章請吏
部憑貲擬之官忽無色取道竟誰是況聞新章嚴病免無道
理亦知許國身不得顧妻子譬彼江湖濱乘籬焉用彼中道

逢我友敦勸及衰齒寄語謝流輩堅臥誓不起

聞雲貴諸省
揀發州縣以

下官無一人往者
朝議始改新章

朝發河間道日暮宿交河交河有美女對客揚清歌曲終發慨慷英氣弩雙蛾言昔粵寇來萬家窮奔波觥觥孔令君雄劍三揮抄跪送太夫人兩淚掩如麻歸來坐堂皇朝冠高峩義賊前謂令君東魯聖人家况有好官聲但坐安無譁令君大詈罵鼠子敢爾爲發言未及終霜鋏紛交加公子披髮出並命委庭柯賊退貌如生傾城涕滂沱丹旐何翩翩送歸聖人家人人生誰不死死去如蟲沙君看孔令君精爽凌紫霞

客行阜城縣賊壘生春草重壕何連蟠流潦白浩浩往問守城卒賊來昔多少攻圍連幾旬取勝從何道僉云賊初至焚

掠空邨堡所幸天兵速長圍築成早戰格外崇墉甬道中晶
晶主將有新令營門日灑埽肅肅過行旅悠悠達昏曉從無
暴客憂足知師律好僧王令南北行旅皆出大營早夜貲送行者大安君看迥合處
不得渡飛鳥傳語江南將仁武以爲寶

南征廣川國所過多瘡痍既始臨洺關東去無堅陴巍巍異
姓王仁勇天挺姿漠南三萬騎掃蕪無畱期尾攻及連鎮一
舉成殲夷王入拜丹墀聖顏大羅怡受寵語誠踏天誅良
久稽一勝不足多江楚血流漸願廣列聖仁普救生靈危
角巾歸私第溫溫無所施廷議養威重遂與旌麾辭經行舊
營壘英略空人思

杭稻挽東南雲飄連上都鬲津扼其衝建牙吹笙竽析津接

潞河京倉相委輸坐食百萬家紅腐成棄餘地軸再翻覆天
庾中淪胥南漕九千艘板破丁逃逋京朝賢公卿脫粟沾中
廚豈無玉田產貴逾明月珠古來瀛莫郊淀泊飛鷺鳧願復
力田科功始鄭白渠司牧皆勸農則壤遵文敷秋風捲黃雲
玉液如東吳上者供御廩官祿亦易儲六軍驩飽騰撻伐澄
江湖如何駕飛鶴萬里凌空虛

途中懷人五詩

此五君子者皆性命交也跡有疏密行藏殊趨生死
隱顯要皆秉天地之正氣意存乎拯斯民於水火志
或不盡伸庶乎措諸古今之間而無虧者矣長塗骯
疲勞而成歌神志遙通不必生者之日接鄰與死者

之果有知也

吾愛曾侍郎憂國如饑渴煌煌大禮疏高議動天闕奉使邁

艱虞組練裹衰絰舟師五千人洞庭捲飛雪一戰收漢陽半

夜武昌拔整衆下中流三山見豪髮分軍定蘄黃水陸遂先

發業業九江城湖口爲機筈畱攻計萬全苦戰生蟻蟲破膽

力死拒遼出智狡猾遂令破竹勢沈吟淹日月生平報一主

忱駕馭必英傑軍門死嘔血

塔齊布自裨將薦登大帥卒於軍中

廉訪既倉卒

羅澤南以諸生帥義勇數十戰積功至監司痛惜國楨亡愁思天柱折何況連雞

飛每勤得肘掣雖喜拔距速已恨輔車缺坐見江州危七郡

聚虺蜮彭蠡烟混茫匡廬峯削崕嵬枉國士遇寸奇無由竭

安得擎扁舟訪子蛟鼈窟

曾滌生侍郎

先朝三直臣桂林有遠致一奮雕獮威翩與鳳麟逝蘊奇桂
海天霞心隔朝寄晚爲戎馬迫起與蒼生事轉圜五十家指
蹤三千騎坐舒并樓嘯密定崑關計脫略收羣梟至今備精
銳稍洩枕中秘未叩囊底智拂衣嶺雲邊輶車倏而至長安
尙全盛敦槃恍隔世文章兩密合世事一籌備當其謀略定
各以掌中示驚風吹鴻鵠蒼山逐征袂草草萬人場晷晷百
年際名壑儻偕尋吾其奉鞭轡朱伯韓侍御

將軍死牖下書生蘿沙場出門復入門聽我歌慨慷我友有
憾洪志大不可量初從上將軍並海驅長鯨鬱奇不得吐左
目青生盲再隨周東阿逐盜渦潁旁異軍起蒼頭大書忠壯
營今日擒尤來明日誅大槍翦除未及半淮南爲寇場桓桓

袁使君奉命於鳳陽倚君左右手許君一面當兩龍不共
淵兩虎不共岡所恃一寸心剖腹無他腸千里一書來血墨
交淋浪上言十月中三路行出兵南下收舒桐西迎曾侍郎
柰何墨未乾子命歸天閻子命會有歸馬革斯流芳安知哀
贈榮逝者終迷茫寄語忠義人託身慎周防臧牧庵孝廉牧
城六戰皆捷南關之敗提兵收復桐
以救不至戰死城下

桐鄉多奇節戴五寶天挺滿懷家國恥三年走榛梗城邑昔
陷沒盡室傍烟嶺偷生喪本性一怒氣生瘦倉黃迎官軍
衣不得領夜別牀頭人納袖裏殘餅辨色赴行營潛身數竈
井慷慨備糧糗委曲諭頑獢大計一朝乖巢卵無完整瓊英
姿如霜嚴妝剗素頸小星明比月竿首視猶炯何況掌珠身

臂斷玉未冷羣充盛耳目風色變俄頃奉親藏趙壁脫身附
吳艇痛哭訴軍門萬言棄不省南氛阻斬黃北櫂渢沙頽臨
淮九衝塗白地樹矛梃諸田舊齊宗歃血盛牲皿發言激義
衆對桉食哀哽書來訪籌略計決殲鼉黿辛讜力救泗包胥
哭存郢每歎神峰峻深虞厯塊猛果然貫日誠變滅秋虹影
殘寇猶在疆歸骨渺何境遺文滿箱篋舊諾惡心肯君以妻妾死難
事略見寄且日非得君文目不暝矣許而未及作也并賦璫華章寄君泉路永戴孝廉釣衡當行營
賊陷桐城舉室避山中甲寅十一月官軍收桐君夜赴行營
籌餉濟師南關之敗賊四出焚掠索君尤疾君妻某氏以翦
刺喉立死妾某罵賊甚苦賊斷其首竿諸東門之外長女斷
臂救免君遂奉親匿他所而身詣軍門三上書陳勦賊之策
不納欲投曾侍郎蘄黃道梗乃北說袁副使於臨淮副使被
議去屬臨淮田氏宗族強盛義衆干人要君主其家君前後
四致書於余諭滅賊事宜九月後遂無耗丙辰至都晤何孝廉
言君死矣嗚乎君一文士而志存仇讐功雖不就其心爲

可悲

已

昏波阻洞庭武陵窅然遠幾聞羸劉來山屐驚落蘚橫被藤

峽巒驟下濱江船盡變漢衣冠慘戮秦雞大竹樹倒搶攘山

雲亂偃蹇楊子解金龜誅茆幅蒼蠺千杵正邪許四隣走徒

跣椎牛饗父老三百士可選山砦夜漆黑十輩耳語遣捉謀

竿其首萬衆不敢眄幕烏謹有聲雲構欹在眼歌詩示鄰曲

勞苦獲安晏嗤彼牀下人疾怖面有覲

楊性農庶常通籍後不樂仕進歸卜居於武陵山中粵寇適至練三百人擒其謀而誅之賊

不犯者環所居三十里因賦晏然閣詩以見志

蕭寺尋秋圖爲張午橋舍人作

丁巳

肅肅公省閒寥寥鐘鼓晚人隨暮雀行山與秋城遠卽事匪招邀會心一疏散清光蘆際月欲就僧房飯

宥苗殉難江浦遙哭以詩

戊午

烈風蕩南紀江漢如湯流天狼狎威弧格殺無時休夫子金
閨人養志歸林邱夙秉壯士肝裂皆向寇讎十年慈母懷宛
轉兒女柔豈有國士知忽與風雲酬幕府盛才傑金貂逮俘
囚翩翩書記工計策安足收白刃起帳下駭兕摧行輶百萬
沙蟲中齒髮將焉求落月見須眉夢想恣冥搜棄絕賦大招
嗒焉肝腸抽

男兒百年身沙場死亦好有屍裹馬革無屍膏野草青陽二
三月江流白浩浩東方千騎來送君橫江道秋風吹金陵塵
兵厯陽城旄頭屬軍壘凶門降妖星黑風吹鬱攸飛矢著丁
寧不知主將誰酩酊殊未醒驅肝慘已甚拔舌血猶腥凜凜

七尺軀悠悠千載名

挽弓挽強其羽力真能飲石直欲桀然而抗古人此爲近世
霸洗庚戌四月武陵弟楊彝珍識

橫山銳入驚心動魄篤守少陵家法而神明於規矩之外非
時手所能望見小弟葉名灋識

要眇密栗樸遼渾堅注意設詞闡入杜陵之奧當今不得不
以此事推袁善化同年弟孫鼎臣識

負氣高奇如泰山喬岳不可逼視又如強弓勁弩鎌厚一寸
可射而洞之近箸述日富探之愈深蓄之愈遠沈警而幾於
自然矣知希則貴相視而笑亦千載一遇願君深閉固拒如
往時也校讀數過輒爲加墨並題卷末以志深契時丙辰夏

初桂林朱琦謹識

右詩四卷吾師通甫先生所手定也於先生平生所作僅十之二三而少作之存蓋寥寥焉先生之言曰凡文章之道貴於外闊而中實中實由於積理理充而緯以實事則光采日新文無實事斯爲徒作第工極麗猶虛車也音持此論以窺古今之詩陶杜而外其遠此者唐之昌黎韓氏明之青田劉氏亭林顧氏三數人耳由先生之論以讀先生之詩然後知詩之工拙不徒爭聲律窮雕鑄侈偉博也先生少時學詩頗勤四十以後或經歲不作或日得數篇蓋非中有所感勃發不可已則不事苦吟雖或迫之亦徑謝去其不苟如此音學殖淺薄不足以仰測高深戊午出都謁先生於家適湯通政刻先生文集將成竊喜是編之初定也

亟出貲付諸梓因承 先生命而識其後

咸豐九年孟春沐陽受業門人周韶音敬識

通父詩存之餘上

雜詩

行行辭親故去去黃河曲風沙卷天地蕉萃顏如玉封侯兒
未成寄食不願足驅車飛蓬轉投轡落日晚支離蘇季裘寂
寘王孫飯人生不得意何必經龍坂

免絲何繹綿上施青松枝秋風落黃葉燕婉今何時聞君將
遠行會面未有期出門不相送下堂非所宜君爲雲中蓬妾
爲園中葵蓬根終不定葵心終不移但令終始固豈傷年命
非

秋江芙蓉花珍禽雙紅衣輕舟一搖蕩參差背人飛何意金
風改百卉凋光輝寒塘雨雪多垂楊門巷非

朔風吹烈烈寒雨迷朝昏茫茫我所思寤彼下泉民朱弦久
淪落白髮日夜新相送各已散寒兔守墓門海水泛大荒黃
河號東奔高墳有時毀何況墳中人念此嘿悽愴幽恨不可
吞

憤泉動秋沸冤禽疾夜聲杞婦一聲淚萬古無堅城黃鵠七
年別中宵發哀音荒山鳳已老桐花豈復春我欲竟此曲此
曲傷人心安得西逝波馳情慰所親

游鹿亦有羣賓鴻亦有侶况我同根生豈復分爾汝驚塵一
日飛散若河洲雨冉冉長年間東西無定處歲暮情更親歸
家不爲身入市同負米入山同負薪紫荆一寸根終不移此
心

黃土橋弔楊太常

太常獨人名正經以鼓琴供奉思陵國變後流落淮
南卒葬郡城東之黃土橋詩人過而弔焉

縉衣瓊笠朝乘馬思陵廟社崩如瓦孤臣南走竟無家七十
老僧淚盈把當時供奉一太常玉熙春永侍君王內翰新詞
歌玉樹宮人舊曲翻霓裳瑤琴一闋祥光轉畫省無人宮漏
緩百子池頭樹影移萬年枝上鶯曉暝無端銅馬勢跳梁烽
火連年炤建章鼎湖弓墮龍鬚絕內池流水空茫茫殘裳破
帽歸何處鶯花故國江南路春燈人散孝陵煙落日猿啼京
口樹風木餘聲聲正悲淮南太守淚雙垂誰憐楚客操南樂
空遺黎臣歌式微杜宇聲中歸不得巴西萬里春江碧白頭

猶念錦城花青衫曾對宮娥泣龍鍾身世感相憐紅簫卜宅淮東偏古來共說汪元量天涯重遇李龜年此地經過重懷舌郊原麥秀多風雨桂椒無復薦酒馨牛羊空自銜花舞陵遷岸改幾經秋百年浩劫同蜉蝣君不見錢莊阮第今何在黃土橋前水尚流

楊白花

楊白花春風能吹爾吹爾作花還作雪又能吹入深宮裏深宮不可居春風還相欺慎勿隨風渡江水渡江化作江上萍一去煙波千萬里

寄遠

錦鱗逝參差芳音坐消歇瑤席生夜寒金樽瀉秋月故人信

紅顏他鄉憎白髮何方通夢魂庶往慰飢渴

小別

落花與行雲風前易分道每歎白日馳坐送紅顏老豈料意
中人小別看更好如何一寸陰爲君盡懷抱

夏日海上作

希世生百憂退畊無二頃局促棲瀛堧
艸化溽暑蒸頽景新蟬向晚急病葉先秋
隕雨檐疊雙珠風簾散千影坐地埽落基聽泉入野井
心逐歸雲沈思與陰蟲繫久齊志已非望高用公羊傳語

郢

江行

兩岸青山合長江送白雲秋風瓦官閣急浪雪紛紛老樹圍
漁舍平林散馬羣臨流且孤詠不爲謝將軍

金陵送人歸桐城

皖水自然碧皖山無限青送君皖伯國獨上勞勞亭落日蕪
湖雨歸驅牛渚星遙知維纜夜風水帶愁聽

感事

疏勒西河邊雪山孤城不鎖白雲閒金笳有淚秋乘障鐵騎
無聲夜度關豈有哥舒能死節可知馬謾竟生還虜人舊識
楊無敵聞道蕭疏鬢已斑

贈徐參戎

久隨豹尾幸甘泉迴首長安日下懸積雪呼鴈行帳地春風

盤馬放朝天閒搜圖史千金盡老卧雲山一劍全誰識天津
橋上客錦裘花帽舊翩翩

不得顧秋碧消息

蒼梧山下逢君時馬前折得楊柳枝楊柳垂絲渡江去幾時
雪滿南朝路小姑祠前流水香君家舊宅近江郎聞道北游
向燕趙令人卻憶邯鄲倡

落葉

銀屏秋冷蟲聲歇空階夜靜聞落葉騷騷屑屑三兩聲簾櫳
不捲燈微明初疑細雨灑秋箔一聲半聲猶落索春蠶夜食
蟹爬沙枯荷萬柄風吹斜迴廊曲澗飛更起宿鳥投林船過
葦轉空墮地輕更輕軟沙細艸行人行隴頭孤客聽不得淮

南思婦難爲情枯枝一夕慘蕭爽瞳瞳曉日當窗上

秋江辭

秋江之水何洋洋中有嘉魚鯉與魴金刀雪蕪蕪如霜單槳
吳船船細長美人夜游梳薄妝新月照水雙蛾黃丹唇徐轉
隨風颺高不過激低不傷乃與船勢久低昂滿身花露侵肌
涼心輸意與樂未央啼鷄一聲天宇荒明星出地波茫茫

長相思

梨花雪落風淒淒子規望月傷心嚦錦屏不掩流黃色紅燈
黯黯銀河低念君千里長相思玉階淚滴春艸死年年經雨
爲紅泥春風春風能散水楊柳不能掃開雙蛾眉長相思知
不知

楊春行

昭陽露泣千花紅
美人顰額啼春風
繡柱迴轉雙雕龍
香塵白日驕青空
絳樓朱戶煙濛濛
玉皇宴坐色不動
迴風吹墮青芙蓉
帝旁玉女癡且聾
揚眉而笑浮雲中
世間蛾眉垂曼睂
成煙化石難相從

意舊行寄從兄子秋

與君昔作廣陵客
吳公臺邊艸猶碧
我來不見吹簫人
二十四橋空行跡
扁舟晚動邗江頭
夕陽簫鼓下真州
白沙亭前月華白
何人吹笛江中流
哀怨笛聲起月下
雙行誰家子迴身
向月轉歌喉一聲咽
斷西江水隔江燈火
三五星似聞臨風吹
玉笙玉笙隱隱入雲去
迴風吹度廣陵城
當時與

君舊游路祇今南望空煙樹江花江月待游人明年同向此
中去

橫江行寄楊心農

歷陽烟樹浮雲裏橫江波浪勝揚子迴風吹雨作紅霞散入
金陵半江水金陵江上一逢君勞勞亭畔成離羣東海東來
無知己西江西望空白雲

夢得紫玉條脫喜笑而晤茫然有作

昔有佳人王厚邱招我同登蒼梧山頂之高樓謂我乃是蓬
萊之散仙以醉落職塵寰幽當時聞言頗心動十年一覺江
南夢王郎攀龍向天闕我從漢陰學抱甕大羅往事難具陳
道書寶錄猶在身仙人與我玉條脫夢中笑墮巫山雲黃金

之闕白玉京中間十二樓五城麻姑穿霓裳我笑彫胡飯熟
君難醒三年釣魚過東海安期食棗今在琴溪赤鯉已飛
天陵陽白龍復誰待手持寶劍空遊遨分明記得隍中蕉起
來茫茫對明月珠淚細逐春風飄

秦鏡辭

咸陽宮中五尺鏡照人之形見人性當時照徧後宮人三十
六年無邪心趙高指鹿鹿爲馬白日公然走其下

美人照鏡歌

花間閃閃秋星落九微火滅晨光薄夫容出匣照膽懸桃花
落水驚紅鮮左盤右挽調蘭麝瓊梳細櫛釵梁亞低徊轉側
不自持一笑且試雙蛾眉妝成形影自矜許背人私向奩中

語

美人磨鏡歌

盤龍歲久古落色暮烟一片傷心碧美人妝罷旋旋磨金壺
瀉水生微波初看成規運纖指韃紋半帶螺紋起機圓手滑
不停聲雙輪碾地音嬌綈長風掃空玉盤吐銀塘爛爛飽秋
雨心閒喘細不敢呵寘之玉臺平不陂紅潮生嬾嬾無力起
來欠伸良久立一重磨去一重新可惜今人非昔人妾顏在
鏡尙難保君心非鏡何由明

對雪二首

烹茶不用水煮雪林間煙煙中見茆屋檐際流清泉陰陽一
蒸變佳氣殊蒼然閨苑何足羨吾愛清冷天

小徑竹間門雙扉如合璧何人先我來冉冉見行跡蒼松壓
已垂獨鶴餓猶立朗吟秋水篇清響答檐滴

王明經宅雨中探桂

濃陰忽墮地空庭作秋雨酒醒茶鼎沸夜深桂花吐賓主澹
無言一燈照廊廡雨停稍露月秋堂靜如許

題友人壁

晚花開上牆幽艸喜抱石小院生秋陰鳴蟲晝不息主人出
門去獨鶴中庭立風出窗上畫鳥入林聞室待君久不歸徘徊
憶將夕

秋懷二首

憂人易多淚秋日易多雨春禽啼更寒蟲啼更苦萬感攖

汝心誰能強笑語金壺滴漏水一口不得吐

白日照天下乃有迷途人明明指南車茫茫毒霧昏行行得
故轍歸來淚滿巾室闇更炳燭悵然懷先民

深巷

深巷曲復曲綠楊低更低春城三夜雨小市五更泥向日花
爭笑登樓鶯亂啼攜筆上小艇更訪石橋西

伏日作

書題白練裙簾卷五花紋雨滴竹間日風浮松際雲閒愁將
酒泛好夢著香薰底事東方炙殷勤遺細君

夏雨

夏雨如繩久空山坐息機常閒冠帶少極賤友朋稀親老依

兒性家貧典婦衣清狂沈昭略幾日減醫園

雞啼曲

啼雞未下牆繁星猶在樹飯罷無一言提鞭出門去

得家書

來使太惄惄磨滅平安字得書不及開先問家中事

古意

去年生阿侯學語聲呀呀憶郎口不言但教兒呼爺

歲歲廬龍塞年年早寄衣今年不寄去或得早秋歸

宋書小樂府

新潤斬龍子草澤有英雄他年壞陰室笑爾葛燈籠
行軍劉主簿布袴裂殘裳不能方丈食甯解索檳榔

逋冬詩存之餘

卷上

虜馬飲江水江州不更生羣狐傾鎮惡久已壞長城
我自哭亡妾嚙襟涕不休不知豫州伯何事淚交流
但可驚羊琇無端慕魯連祇應作山賊未許得生天
劫竟仍斂子景文真丈夫過門忘折屐應媿後人無
已自慚康樂何須鄙謝莊無令笑汝拙誰可得卿狂
大山愛禪悅小山殊老饕一從充隱後何氏有三高
吾愛王方平貂裘行採藥日暮釣魚歸載入上虞郭
敬冲殊自得出入歷三朝力飲吳興酒清風爾自高
江左風流相翩翩帽幘斜天生王仲寶賣卻婦翁家
甯爲袁粲死莫作褚淵生更有二王者居平不送迎

勺湖感舊

城頭柳色黛眉勻檻外湖光鏡面新捲起水窗風色冷龍興
寺後雨如塵

沙翁刷羽夜深飛漁火青熒露氣微一椀瓊漿千尺水月明
風起並船歸

雪齊效宋人體

曉窗氣象殊開門果見日衆山亦欣然其勢爭欲出俄看前
嶺消猶悵後峯失譬如嬌嬈女纔許半面識殘妝寫更難遺
之雲林筆

深鳴絕鳥聲萬戶靜如睡白日一晃耀茆檐驚欲沸散爲涓
涓流鬱成蒸蒸氣向晚窺籬落柴門漏三四慎勿急銷卻似
得無窮意

老僕縛雙箒埽作沙沙聲我意如勿埽留取窗閒明窮愁眼
力在且可溫殘經溫經亦細事免借鄰家燈

簷冰何參差玉立森照耀纍纍珠貫綬煜煜劍出鞘墮地響
忽碎老鶴驚一躍當其爪牙壯根株等漆膠積重渺不敗少
待汝莫躁

我家門戶窄堆積何崔巍山僧且不至安有故人來晚食更
煨芋教嬾然殘灰夕陽射空窗曬我研冰開天冷詩亦瘦咄
咄吟寒梅

新晴過三日堆阜尙迤邐遠郵行有人平田沃如水一雁低
夕陽微茫去不已夜寒更得月小樓坐清美

草大畫山水歌

畫山昂首如欲來北堂怪底誰人開扇土高冠氣踴躍蛾眉
鬆髻身摧頽乾坤付與造物手點化頑石皆奇才畫水低頭
如欲去石齒泠泠笑且怒懸崖絕壁高有風卧樹橫槎暗無
路遠深谷口滙深溪耳可聞聲不知處車君作畫良已奇恨
不見君落筆時想其意得手自隨以手付筆心不知君言我
道進乎技更解彈琴書艸隸琴聲廉正不可昵書如老女饒
姿媚天生十指不負君安得把君之書囊君琴卧聽秋山流
泉音

寄海州張秀才

題君暮登觀音峯後湖下瞰焉夷宮羣山如蛇卻西上臺城
一握居掌中九月霜遲氣候暖來船斗轉西南風流霞燒江

鯉魚尾欲落不落天浮紅危磯俯唾八千尺笑聲散與江流
東隔江青山接滁頽荷離大道塵連空歷陽采石望不盡秋
浦水樹青濛濛山根鳥穿入古寺窈窕瘦削非人工怒峯向
人勢欲壓老藤弩出張天弓觚楞突縮各有態似我不平之
心胸君言我昔走西北太行王屋天下雄眼飽少室窺玉女
手擘太華攀芙蓉兩腳萬里足天險看此婉婉如兒童江山
清興忽復往快談在耳聲隆隆殘年風色太寥澹海氣一縷
隨歸鶴蒼梧北望眼欲眯大雪滾滾天無窮

寄贛榆許明經

梁武城頭夜吹還六朝烟水淒涼色蔣工上月輸秋兩人
對飲秦淮樓樓頭宛轉吹簫女隔河笑問許亦自不言

拍手大唱涼州辭華燈迢迢入秋夢君醉不辭我不
迷一聲南鴈過江來亂飄如葉海西歸歸來時節又回換矯
首風塵有長歎壯夫終是出羣人自是莫負梨花春君家祝
其城畔住乃是江南盡頭處山中酒醒若喚余落月半挂清

淮樹

懷王考功

欽霖

令節偏懷友花時獨凭欄春愁連上已細雨夢長安郎署浮
沈易雲龍角逐難買山空有約悵望好巖巒

新城

維舟今幾度來往此鄉偏風退歸槽水燈明入鷗船黃花官
驛雨紅袖枕樓烟欲采芳洲杜夜深聞欸舷

月夜過黃天蕩

戰地餘蕭瑟崩波動育冥大江秋月白一櫂亂山青沙鳥愁
邊喚漁榔空外聽滔滔洗塵劫風露幾人醒

翠微寺

入寺疑無地登峯別有天雲中開楚邑樹杪下吳船路並丹
陽直山包白下圓孝陵黃瓦在落日隱寒煙

真州城南作

竹外茅簷三五家縣南風物最清華水禽入戶自呼食江艸
無名齊著花邊壁波光千疊涌到門秋影一峯斜殘陽莫遂
征驅去留取空明照浣沙

高明寺

紫葛蒼簾覆萬家紅暉曲折遶林斜晚鶯來占金隄柳游女
閒簪玉砌花千里江光涵作雨一宮秋水變成霞風箏殿角
琤璫響似聽鼙聲問翠華

珠湖夜泊

三十六湖生暮潮柁樓落日聞吹簫舟人早卧客人語水禽
不動沙禽搖羣星浮空浪泊泊老樹立岸風刁刁青菱紅蕩
足一醉夢醒大魚當枕跳

小獵

沙迴煙銷破早晴弓刀結束試身輕鷹翻狡兔看猶轉箭掠
寒雲去有聲百戰葱河仍入塞三年雪嶺未歸兵故人無復
班超在西望秦關百感生

捕虎行

蘭陵人爲余言捕虎之法每天大雪迹之至一穴洞然一人持鐙屏息入見虎手鐙於地虎注眠蹲不動遂巡出後數人束葦急塞其穴最後磈巨石壓之縱火火熾虎嘔暴室中山谷響震須臾闕絕然方持燈時或聞人聲若燈光少搖動者虎卽突出人爲虀粉矣戲爲俳體咏歌其事

南山一夜雪如簾老虎忍饑蔽茆坐山深雲暗虎無聲一道蹤痕紛斗大健兒八九走欲僵終朝尋虎如尋羊藜坡注礮摻不得一穴洞山黓然黑操心練膽面色枯數人坐守一人入燈光炯炯行不疑兩手束如枯樹枝此時洞口卽虎口人

命在燈燈在手以身試虎虎氣騰虎心在人眼在燈虎眼燈
光兩照耀人虎一室靜相弔卓燈寘地雙手輕虎風逼燈燈
不明迴身背燈色如土密葉乾薪下如雨火炎石裂虎身縮
尺寸盤擎架頭足一聲咆哮四山搖十萬峯巒碎相觸共言
射虎飛將軍此事今聞古未聞除殘伏暴有長策嗟爾深山
痛哭人

題畫四首

不雲而雷天有風蒼鬚翠鬢浩呼洶有鳥毛鷺羽骨豐英眉
怒目頭如峯稜然一臂垂擔虹不擊不搏氣填胷惟鸞有采
鷺有容汝鳥猛摯宜折衝霜枯秋冷窮山窮白口荒荒江流
東何由送汝摩蒼穹

荒灣煙波明沙白萬迎涼齊著花後風鱗起略約斜彷彿
野岸江南家風標公子靜如玉烟雨晴沙意態熟蘆花漫漫
魚天晚悄立意與秋江遠擬髻簪箸坐船梢一尺銀鱸供晚
飯

新鞠抽黃楓葉丹霜天洗出青銅盤樓閣無風日影晃天面
平拖鵠鈴響手拋紅粒一千珠翻身卻下聲呱呱芳巢小戶
香泥塗階平經曲行相呼主人畜汝如畜奴紅絲繫足爲傳
書古來知塗有老馬低頭局促鹽車下

石骨聾牙蘇斑大脩竹參天一兩個十日鍵戶人不過獨鶴
行來落階破主人忍餓鶴不餓料理鶴糧手自簸新綠茸茸
不可唾梳翎好對斜陽卧那有高軒容汝坐

閨居

小築疑充隱高吟豈瞰名林深晴更滑水近午猶清野港喧
諸派秋蟬並一聲翻愁葛衣冷閒澹過三庚

官軍捷永州

風烟毒霧鑄青紅窮寇魚游掌握中張寶諸兄持左道李波
小妹有英風辰溪地假羣蠻險洞曲天成一將功插羽流星
宣露布元戎迴轡越江東

送平連山

湘江水急下天兵墮地妖星壓賊營七縱攻心降孟獲一門
泥首赦張嬰蠻溪雨漲傳烽靜獠洞春深戰壘平見說兒童
新向化萬山深處讀書聲

時設

瑤學

書吳越世家後

錦樹山頭樂事多三千犀弩射江波四朝忠順涼張駿半壁英雄漢趙陀客醉堂前高士去花開陌上鉢車過生平祇愧羅昭謹飲馬何曾到汴河

舟中遇鍾吾生得鐵梅先生消息

停舟薄暮天語罷各悽然柳暗人歸郭江鳴雨到船因言浮海客已扣入吳舷舊業不歸隱巢湖何處邊

白下晤趙公子

秋風十七年分手路三千彭蠡書隨鴈西江浪遶天親衰緣宦苦身退喜家全今日秦淮柳烟絲共惆然

呂明經見訪

呂生天下士浩蕩入吳來不受賢王拜獨登江上臺秋期同
夜雨官韻固奇才家住九華下年年掃綠苔

王氏園亭

修廊度危橋細艸鬱相接時見橋下人交簷埽風葉

雨後

花閒灑餘滴林表明星蟲聲浮暖意我欲行中庭

通父詩存之餘

下

班史小樂府

西宮衛尉女兒語長者行酒到臨汝大罵程李不值錢四座
公卿色如土當時田竇分榮枯引繩批根惟有夫吳楚七軍
尚退舍武安何足當一罵東朝廷辨柰夫何汲黯而外轍駒
多

朝采樵暮采樵謂君無謳君謳愈急聲逾高我年五十當富
貴姑妾言之等兒戲十年金印肘後懸驚倒長安上計吏妻
原可媿夫良鄒前日洛陽蘇季子伯通廡下彼何人壯夫勿
作朱買臣

談經連折充宗角請劙又奪安昌鷺攀檻大呼檻格格佞臣

幸臣膽雙落將軍上殿冠履錯帝曰此檻勿更作因而輯之

以旌直臣舊檻未舊新都新太傅方賜肥牛亭

叔孫生眞聖人手操綿絰千時君魯兩生不肯行禮樂百年而後興叔孫大笑若真鄙不知時變乃如此乃公亦是秦博士兩生聞之笑不休儒冠著溺使人愁

弄兒笑手擁上項求上抱弄兒啼公何怒目吾兒爲兒有罪臣敢隱隱之固非殺亦忍豈知不忍坐覆宗博陸侯殊恩恩呼嗟武皇真知人此胡腹中惟赤心君不見漁陽塵

漢宮詞三篇

關門起化神靈是統炎井燭光由來漸矣載觀班史
火德之衰肇於衽席備諸諷詠其爲監戒抑有補焉

時癸巳三月

悲桐柏桐栢亭邊風蕭颼小棺三尺無人收萬姓淒涼淚霑
臆當時金屋嬌於花主謫本出平陽家三月三日灞橋水千
乘萬騎連雲起衆中一顧已承恩翠輦迢迢入宮裏正值阿
嬌嬌如時芳心那得龍顏知己分編名歸代籍還從灑涕識
皇慈雲窗夜感蛟龍夢祝祿豔說君恩重眼看青宮長養成
常恩貴主殷慇送可憐光采生門戶可憐姊弟皆茆土外家
氣能足薰天絕域經營二十年歛忽英聲飛瀚海蹉跎高冢
出祁連秋花春草難長保綠衣更比黃裳好北方佳人舞袖
工河間婉女藏鉤巧尚賴前星傍紫宸鷄鳴銅輦夢中聲縱
愛定陶能擊鼓還怡子晉善吹笙無端趙虜工狐媚犬臺一

見君臣契費忌讒言伊戾心望見宮中巫蠱氣建章殺氣連
西關萬戶千門夜流血投兔誰開覆盜門泉鳩一痛天恩絕
不聞墳地雪重生仍將廢錮同長門傷心空含橫陳日便是
軒中得幸人牛車一乘城南路冷烟殘月蘿香處朝朝野燕
下銜泥夜夜霜烏啼繞樹天旋地轉難具陳中興景運屬曾
孫爲憐遺體動深喟冢地重開禮數異玉柙黃腸腐化多干
人聚上看流涕可憐堯母亦酸辛雲陽秋草迷孤墳聞道傾
城仍配食至今人恨霍將軍

右悲桐柏

嗚乎辭輦賢妃不可得玉階華殿無行跡三千粉黛色如灰
一雙嬌燕衝風入天生尤物那能死隄下收歸司徒子龍驥

兆禍已千年又見人間歌啄矢歌啄矢悲皇孫如花從此稀
承恩夕看窮袴重重襯朝驗丹砂的的痕牛官有女曾當少
明珠墮地桃花色未聞紅錦繡綳成已見綠梯方底出東交
掖門呀然開黃門夜半詔書來可憐一寸中丞印斷送君恩
去不回迴身掩淚看流涕我兒正類元皇帝獸環魚鑰閉復
閉多少龍種此中棄今年曹偉能明年許美人汝曹死耳休
吞聲大家尙畏昭儀嗔忽驚晝漏停宮箭橋山獨去無人見
只有班姬黯自傷曾將德象奉君王總帷歌吹延陵路哭送
宮車淚數行

右掖門怨

君不見長壽宮崩垣積瓦來悲風當時玉殿赫宏敞祗今簗

食虛堂空空堂簞食爲誰有長信宮中泣文母憶從丙殷初
承恩玉雪佳兒字太孫龍顏在抱驩先帝象服宜家配至尊
沙麓門風奇女氣九侯五將軒天地曲旃廣廈武安家洞房
阿闥樊重第安陽謹慎曲陽奢元卿弱息尤加意正值炎精
燭百六仲壬外丙天年燭四海謳歌陳氏鍾滿朝指使秦庭
鹿虎唇鴟目久睢盱猶道忠勤蓋代無桑落逢人誇阿媚梁
王曲意媚諸姑脂田粉碓酬君孺白璧黃金送呂須太呵倒
授他人手抱器猶同挈瓶守大罵豺聲呼役夫汝曹行誼同
豬狗符命紛紛銅璧文闕宮松栢又更新移來甲帳無人問
拆到金人有淚痕鐵鳳銅鳥飄又飄金鋪玉檻艸蕭蕭便殿
淒涼雕几臥寶衣狼籍守祧逃眼看千官趨執豆旋驚玉座

避麗門一食麥粥奠何人宮樹蒼黃斜日瘦亨塵炮鳳那能
嘗六宮嗚咽天顏傷上蘭秋冷龍媒老繭館春深豹尾涼長
御相看頭總白滄桑坐話銀燈夕何處昭臺鎖寂寥幾家園
扇辭恩澤社飯年年牋老身黃羊臘酒伴淒清重來甲館悲
銅輦怕向西風望渭陵建章柳綠前朝色長樂鐘沈異代聲
小年安定尤嗟怨兩朝姑婦時相見阿翁廿聽鳳求皇妾身
忍作離弦箭淨土一杯何處尋斜陽暮景同悲戀地下相逢
呂娥姍等作司晨何其愚祇餘誅筆光泉壤一代雄文莽大
夫

右長壽宮

彭郎歌

彭郎十六清如鵠手爪尖纖削寒玉見人掩抑似含愁問是
江南舊家族老伯知名朱五經阿翁六法擅通靈青箱世業
營淪落負郭良田都典卻阿翁時寫青山買伯氏書堂鎮相
對放學歸來常忍饑淚痕私被鄰生怪明年湖水勢滔天全
家餓死淮濱田隨人悄渡黃河北露宿霜行頭頸縮乞食誰
憐馬氏孫委身便作蕭家僕禿巾小襫偏諸緣見人羞澀那
能前學奉盤匜都未慣乍聞呼喚尙茫然偷臨畫稿愁嗔喝
私檢殘書淚不乾主人見怪從容問低徊訴出真名姓昨來
過我久沈吟淺立斜窓覺有情云說抱書歸去晚曾從道路
識先生鬚髯羊車經半面燈前顛頓渾難辨爲他一語動深
情累人竟夕迴腸斷彭郎彭郎汝勿悲殘灰當有復然時君

不見季公曾向朱家賣將軍亦是平陽兒名駒例合遭鞭苦
聽罷淒酸不能語揮涕仍隨去馬塵感激蒼天墮秋雨

徐園行

漣水東流百餘里平泉寂寞荒榛裏衰木千章料峭風斜陽
三尺清冷水殘脂斷粉誰家園朱門舊事我能言灞上名豪
杜穉季臨邛大姓卓王孫西園買爵功名貴東海承家閥閱
尊箭張酒趙時來往公然意氣青雲上杜鄴嘗腴百頃多南
陽甲第連街廣厭見紅塵溷市闌老從別院起湖山金絲玉
管朝長合魚鑰龜鋪夜不關門前驕哄三千客樓上花堆十
八鬟攬環結珮傾當路平生有眼何曾遇我來已是蕭寥天
猿鳥淒涼主人去相逢子弟尚豪華幾年小住高陽家吹殘

王遂三更月啼欸嬌鶯一樹花西風颯颯驚塵夢鼠牙忽搆
爭桑訟縣傳星馳赤捕來官符火速銀鑺送薄俗喧傳灌氏
誅故人那免任安痛斜日蒼黃下馬來朱扉敲徧有人開雕
欄雨濕忘憂館油幕風欹避債臺藥砌從添蒼鼠穴籬花任
取隣姬折插架芸香爛作泥拋梁蝠糞腥于血鬥鴨欄邊水
條戲貓庭畔艸蕭蕭何人夜雨燒紅燭何處東風奏玉簫
雲煙過眼成飛絮寒鴉怪鳥啼無數祇餘半堵粉牆高是儂
少日題詩處白髮朱弦日夜新青山綠野最傷神重來誰識
劉郎在腸斷山陽篷裏人

暮春

費盡榆錢未買春間嘶玉勒礮芳塵梨花辭樹全成雪楊柳

當門似有人拋徑漸愁紅豆長隔鄰偏遇曉鶯嗔沈郎瘦絕江郎恨並作東風潦倒身

旅夜

何處柳牽衣徘徊自不歸夜深茶後罷春鴈雨中飛欹枕莊
山改量醫沈帶非吾家好煙水恐沒舊治磯

淺夏

淺夏少人事單居得靜便蟻遷將雨地蟲擾欲風天俗客能
銷日殘詩不記年晚來燈下意低首看龍泉

嵇氏別業

自少俗客過重明轉不關子艱翻累小氣使得身閒晚藥侵
燈煮春詩帶病刪何時約禽慶隨草青名山

聞河報甚急

聞說茆良口驚心瓠子宮捐金無此日捧土有諸公燕雀千
家裏滄桑一瞬中天邊雙翼急何處好西風

東北蛟龍氣乾坤蟻螻心題書多誤字望遠不成唶急報傳
宵柝迴腸入夜霖裏勤今不見圭璧若爲沈

海上舊游

蘆筍齊時乳雉飛紫駟小隊試春衣黑風口暗雲霾合淡水
洋明島嶼微夜火一星籠鶴去午潮三丈射魚歸樓船橫海
功名薄曳足空山靜掩扉

潮河櫂歌

南潮河水清且乾北潮河水濤復濤妾家近在東澳口郎家

遠在西陬山

桅尖山高如劍鋒郎船百尺飽帆檣東風三日鯛魚出不放
南洋放北洋

聞說鰐須一丈長巨魚百丈更難量鰐甲持歸作橋孔魚骨
持歸作屋梁

潮去潮來尙有期如何嫁與弄潮兒郎情不及郎君子雌雄
相逐莫相離郎君子生於海中島上無耳目而有運動則雌雄相逐俗採之以治瘧難奇效

十日打網九日空內洋黑浪外洋風昨來一網三十萬富兒
郎辦作漁翁

海汊渟淤膩不流海船兒女水梳頭頭解作鱗子飯阿郎
來索海龍油

聞說開洋眉不開受珠臺是望夫臺望吳洋邊望不見金星
萬點火潮來

南北蕭蕭雨簾營郎船去日蘆芽青蘆花能飛不過海蘆管
能吹不作聲

望日占星不計年大洋東望更無天郎行儻遇新羅客音書
遞與販鮮船

江上雜詩

倣裝犯晨陰登艤曠清眺微雨散城闈江山澹相炤峩峩瓦
官閣驚波互瀰溟洲遙隱煙火灘明見晉草霜小蘆花紅天
平雁聲到餘霞轉驛樓疏楓出江廟一與城市遠始歎煙波
妙明發浮玉峯共躡凌雲嶠

諸洞頗委蛇晚景勸登歷僂尋巖際閣橫躡雲端壁枯簾縱長根蛇行入山骨神工構危巢鐵索半朽積北風捲江來森然吹欲活老僧解覩客清泉注狼籍風爐掃陳荄露林解新栗安得謝塵擾永此味禪寂

下山路轉迂宛宛度林樾紅牆隱單椒金繩湧高闕秋天肅羣陰古佛慘不悅怒峯眉際落天光驚一瞥飛梯接猱猱金風動毛髮高僧去已遙碑塉蝕年月宸翰煥天章諸臣皆詞傑我衰尙泥塗撫事增騷屑

暝到上方亭層陰翳秋昊雨久莓苔漬石路滑欲倒奮勇陟穹顧江天一飛鳥沙明巖月遲地黑金陵小萬象閉茫昧意外想逾好廟火澹無輝山僧定疑槁茲游已清絕昔夢猶紛

擾歸船槛不牋亂折喧江表

未明催挂帆逆風駕高浪十里九停橈分寸不得上過午氣
候恬老晴半山放揚船馭輕颺舉酒笑相向一峯插中流可
愛不可傍狂瀾際天地卓立自清壯東指儀鑾鎮往事悲離
喪去去人代非心旌日搖漾

江行

壯志凌秋發歸心傍晚濃遠天浮客夢小雨靜山容白鳥微
微下丹林往往逢不愁霜露早弭櫂采芙蓉

靜海寺

古寺盤崖上雄關帶郭斜雲泉湧山漾風柳掃江沙佛劫經
寒火鄉心入暮鴉迴看天闕路一半上明霞

白沙洲

沙白蓼花殷烟波去去閒澄沙一行鴈柔橈幾重山廟鼓催
霜急城烏帶雨還屯田今不見楊柳若爲攀

西津舟夜

已返崇川棹仍爲曲水游大江低去鴈小雪過揚州涉世初
知誤聞歌轉欲愁不須歸載石詩卷壓扁舟

崇川謠

朝發黃泥山暮宿白蒲水挽郎郎不住送郎三十里地名
雄雉過江飛雌雉巢庭樹一笑博郎歡莫向如皋去

悼鶯

家畜一鶯三年矣性介而慧不甚依人而楚楚顧景

良晨美夕聞吟咏聲則引吭長嘯宛變會意飲餉不時金衣繡領飈爲塵土愴然賦詩

記放雕籠小閣前背人終日語纖纖雜花生樹仍三月細雨銷覓又一年夢裏關心虛玉彈酒邊和淚忽哀弦當時未解真憐汝每到高吟一惘然

河閒

孤城背水晝陰森舊倨高陽不可尋白日未消奇女氣黃河猶見古人心地連上谷春光斷天入瀛州暮雨深惆悵賢王芳躅遠卻從何處結纓簪

登雄縣城樓

雄關阻嶮巒嵯峨倨雲中手共招三輔河山龍脈遠九州

塵土馬蹄驕吳淞水已瀰芳甸杜鵑春光上柳條北望帝京
三百里朝陰聲已徹丹霄

重門轡嶂鎖襟喉趙北燕南數壯游一夜送人過易水三邊
寒色上征裘雲中帆影趨遼海樹裏湖光遠鄭州便欲乘風
向天闕不堪鄉夢隔煙洲

江亭讌集詩三首逸其二

丙申夏四月四日黃樹齋鴻臚徐廉峯太史招集同
人於城南江氏亭子爲展禊之會同人賦詩

皇風扇八極英俊紛來同巍峩神皋秀涓流盡朝宗城南盛
水樹休沐來雍容江亭蠹遺構樓觀皎若空太行千里來蒼
翠浮簾櫳沄沄井氣白下與龍泓通蘆芽戢淺渚飛絮交微

風豈惟樂清暇兼用歌時雍諸公各努力在盛彌憂豐職理
幸靡譽談讌庶有終追美觴詠儕一暢千秋胸

將出都門過玉河橋望瓊島口號

華島參差半翠微新懷古枯晚依依如何太液波千頃也有
閒鷗任意飛

露華如水洗仙銅曉日光連太極紅願化微塵上宮柳低徊
常近鳳樓風

平津

平津車庫感蒿萊聞道公孫最愛才一箇董生容不得思量
東閣爲誰開

阿城謠

妾理山桑絃郎買阿城膠將膠來續絃問郎調未調
阿膠何光明光明比妾心郎心狠溪水那得知淺深
郎來妾已老妾貌魚山艸妾心郎不識妾化穀城石

夜往南湖

幽人先寒潮理榜前湖去夜色曖激波繁星綴遙澈漁家食
夜興微燈立風露野鷺入門飛涼螢緣艸度四更蟲語疾月
出東溪樹望遠忽無垠觀空了可悟不見同懷人誰與契幽

素

寒夜

肅肅動寒吹兀兀憎孤影憂來如百艸忽焉滿修畛往約已
輶踐來悰安可屏俛印有形儔百年何鼎鼎常恐精氣穠蒲

張先秋隕瘁竹無甯聲風廊有虛警胡爲仰屋歎庶幾拊膺
省殉物喪其和往哲將見哂

過郡城老子祠

耽耽老子祠仙山長青春當時祠下水雙炤傷心人人今竟
安歸流水渺無津蕭條水芝華狼籍敲枯根根枯委深泥花
落隨飛塵擾擾九衢間誰爲心所親寄辭後來者燕婉及良
辰

西城

西城高極天下有靈墳及爾同歡娛弔彼千載魂顧謂百
齡間日日傾金尊昔墳尚嶼嶼昔歡今已陳安知襟莽中不
有同心人高城日摧頽何況風露身返駕願我儂

巾

出東門行

出東門卻入西門還復來念君遠行寒無衣黃沙著人如烟
煤君有行誰遣之黃與綠女所治黑與白君當知車有輪馬
有蹄高者陵下者池君所歷妾所思自日光西南馳妾無依
但空闊閉荒城鳥雀啼城中人一是非面目殊心可知不怨
君當怨誰

顧橫波小像

彥回須鬚如有神眉嫋風貌真天人遭時變化生風雲魚軒
綵翟江南春江南朱樓綠水濱清歌一曲花氤氳雲窗霧閣
天黃昏紅燈促騎來逡巡歸報相公公勿嗔丈夫能死死甲

申夫人樂矣不憂君

得徐子容少府書卽送其之官浙西

十五早從戎崑崙月窟東洗刀青海水鳴鏑雪山風衰白功
名薄關河道路窮好爲五湖長亦勝一漁翁

西北風沙地東南雲海間一官如許大作吏幾人閒舊績三
關戊新詩兩浙山因君憶若雲何日載雙贊

梅花長卷

元章墨梅天下絕本朝作者晴江翁百年好手出荒古巢
湖吾師風骨同司馬遷體
之先生我年十三侍師側束書不觀時弄筆
大梁風雨海門秋十載不見空消息當時海內推神君老屋
今卧江之濱青年弟子霜生鬢寂寞秋齋畫凍雲

又題一絕

乍向客中見旋疑夢裏看憑人端相久扶影近闌干

戊戌四月同潘四農湯海秋張亨甫姚梅伯游小有餘

芳亭子卽席用梅伯韻

城南一小榭清流繞其下出郭展遐眺始覺紅塵假青天捲
片雨西山酒中鴻浮靄觸隆景百態煥丹赭海內幾酒人風
流被壇社雲雷鬱未成壯色入杯半當筵割長嘯逝將適窮
野萬籟一孤竽九州紛去馬諸公各努力厲精復騷雅茫茫
人代速落落賞音寡

尺五山莊

林芳去不歸春塘點微雨迴風掩孤蘆萬綠散平楚不知誰

氏園遺規入荒圃墉壑昔疏鑿雲霞滿窗戶纏綿子孫謀青
山與終古安知百年後爾我已賓主登高望京闕浮雲萬飛
羽寂莫苦何依言歸卧江渚

趙北口次亨父韻

萬派東趨海三關北擁塵風煙盤戰地雲水澹歸人市酒澆
愁劇漁謳入夢真如何折楊柳並馬一沾巾

茌平逆旅同四農次亨父留別韻時亨父將游襄漢余
與四農歸江南

南下穀城道西趨衛水流青天好明月送爾武昌樓海色歸
雙鶴江風下一鷗他年屠狗伴應憶入燕游

苦雨得晴月色清美卽事有作

稠疊三旬雨高涼一夕風明蟾纔半流響已疏桐枕簟莓苔外欄干絡緯中清光吾嫌汝簾隙去恩恩

題顧茂才水榭圖

榭爲吳匏庵故第

尙書風流去不返祇餘水樹湛孤清座中佳士與秋遠湖上好山如畫明風起尊彝思去櫂月高鐃吹有邊聲滄浪亭畔行營地說與依依魚鳥情時大兵駐蘇州

使君來

兒走呼爺爺語兒俟官使君今日來赦書如風行萬里還公節鉞徵公起一日數驚萬口傳城中傾城市罷市使君不來海水立夷人仰天手加額

題大雪防警圖

大洋天黑波皚皚火輪滿地夷船來千帆斂岸百邨閉銀濤
鐵馬聲喧扈虎蹲之山不復守游魂已渡雙溪口列郡防兵
三萬人坐甲彎弓敵何有浙東雪花大如席一夜千山萬山
白軍門盛怒橫刀出萬馬搏風一馬立小舟江上氣隱如軍
門下馬神色殊猩猩之玫紫貂襦孔翠搖風珊瑚珠此時忠
勇須眉上鐵面寒空稟相向玉樓銀海光動搖毒虺長鯨氣
凋喪將軍七十已歸田 詔起海上清烽烟試將一卷平戎
策補入千秋金鑑篇

病仙謠

玉斧削雲雲有聲蟾蜍墮地爲幽人桂宮飄香月瀲瀲淚滴
銀河一瓢水襯衣曳霧九霞光玉骨一把如雲涼烹霜炮靉

不能飽仙病細與秋風長玉京瑤章三萬卷欹枕琳宮看一
徧眼昏星細不分明牀角唶聲答銀箭

古怨歌七章

訣絕復訣絕君如出山泉我如辭林葉出山泉不歸辭柯之
葉繞故枝北風吹不南東風吹不西迴黃轉綠知何時化爲
根下泥

拔劍起四顧報仇殺人男兒事銳頭小子沙叱利我欲南行
見要離要離含笑鐫白髮黃衫黃衫爾何爲敗乃公事知不
知

贈我攢紗簇錦之鞶囊報君背几夜歸之玉珮將囊繫珮還
寄君兩物同心復同意一朝珮去囊不歸囊中有淚化爲浩

化爲落慎勿摧燒之此物是君初見時

贈我桃絲千縷之聚扇畫爲梅花百尺之高樓樓中之人花
一色翠蛾銀海涵清秋藏之匣笥中蠹蝕花濛濛此花之落
非從風空留高樓誰與同

湘紈剪水秋蘭枝一枝一裏如春絲斜行小艸真珠琲銀絲
玉印紅參差不忍見之生塵埃雄蜂蛺蝶偷眼窺種之當門
爾何爲

金刀翦爪爪痕薄墮地春蕙淚雙落飛龍出骨不值錢寄向
麻姑背上著蓬萊水淺船風迴歸來嚙指血淋漓愁雲怨雨
徒爾爲白雞赤犬升天飛

江水東北流淮水東南注中有三十六鱗之鯉魚一年來一

度牛渚老妖學人語拔宅移家向西去枯魚渡河淚如雨

送稼軒之潤州

楚鶯歌不歇吳蠶亦已稠出門茂陰合子爲千里游我養林
下痾敢謂子且休春江富潮水舟櫓涵輕柔聽鐘廣陵郭落
帆芙蓉樓頤聞京口雄層城墳清謳願見士女嬉復洗烽烟
愁海門盛風竹得似當時幽奇文鏡絕壁斯人悲荒邱江山
駐光景登臨非寫憂勑游早歸卧庶爲百歲謀

贈邵黃二子

我衰旣懶拙始覺人事乖出門厭車馬何況塵與埃所慰蓬
蒿中日與數子偕春去夏已至林芳委蒼苔日勑榮落理艸
木非吾儕二子夫何求得非爲我來濁醪沽近市口腹亦易

諸勿語城市人供客何有哉

陰陽轉大鑪
馬生何囂囂
昔時澗底松今爲山上苗
寘身豈不峻直節成柔條而我墮前竹
日夕望干霄子去今幾年美
箭仍寂寥有時弄清影亦復感蕭騷
豫章生七年衆木同天
翹匠石棄不顧甘與秋艸凋

湖上大雪

銀瓶凍金井積雪孤

湖三百里中有釣魚處

宿遷題項王廟

風起雲揚畫角哀
河聲猶似拔山迴
如何斷岸荒蘆外
有地能容蓋世才

莊平雨夜

結客河橋倚醉回
明妝櫂燭築成闌
不知簾外春雷響
祇作弦中霹靂飛

城鼓統如起暮鴉
衝泥門外有行車
更燒列炬千枝火照取
高鬟一尺花

入右安門晚宿蓮花寺贈稼軒

早作褰簾望青林
夾道斜佳人在城闕
僧舍入流霞久別緒
如雨重來鬢有華
十年離京國吾特就蓮花

丁未禮部試院遇湖南張孝廉

開霽

南宮五千人三試氣彌厲
胡牀踞西日浩歌異人至劇談目
嚴電短後聳精銳足下豪豬韓戰血灑凝滯
當時幕府材縱橫並一世諸將儒雅姿機宜委中制
君時擁戈出飲虹譬然

逝語及渥城戰汎瀾滿膺淚此來夫何爲命世需文字煌煌
大廷策精感動天意朝諭亟儲胥東南苦凋敝必若固本
根慎毋鑿元氣十年就京國萬事可済喟車馬滿城南從君
駐游騎

道出東阿汪明府送酒肴紀綱扞衛感德懷舊斐然有
作

驅馬大清河遙青落吾手山田刻劃狀廿斷杵臼靈雨臺
微陽野潤散諸有戎戎徑寸苗氣與坤軸厚微茫遠嶺塵搖
曳縣門柳賢宰馳騎來頃刻羅尊卣苦辭腳疾嬰周道失趨
走沾溉及蕉萃此誼缺已久夜深列炬出光耀炳林藪未免
伏莽戎失笑癯儒羸敝篋復誰肱饑腸寔賴酒飫德吾敢忘

歸詫山中叟

兗州道中書所見

織翠錦幙榆飛角垂流蘇湘紋密魚須中坐天人姝天人年
幾何十五載有餘雖然十五餘作使百餘夫健足二八人流
汗肩戛摩材官爲後隊長鼴爲前驅雙_馬啟簾帷跪進瑤漿
酥天人色不渝勸進三踟蹰窈窕道旁女薄妝無粉朱拾穗
不盈筐坐觀天人姝日暮蓬門歸心何能梳人生有貴賤

美好徒區區

山何高

山何高竊以深水何汪汪波冷_清山石落羸麤一萬古白日
不照青楓林人間猿鶴有時飛不到何況車馬班班來好音

鳳笙龍管自太廟天風落葉愁人心戴夫子囊君琴南山之
南北山北雪夜往往來相尋不忍奏此曲冷浪沾衣襟山何
高高水何深秋墳之鬼來孤吟

堂前燕

涎涎堂前燕十年一相見君昔年未衰妾亦是青春時入
君門上君堂君堂一何高黃金爲阤白玉爲房流光炫采不
可以逼視翩然一墜游大荒思君那能已尋君千山與萬水
蘭湯爲君沐寶瑟爲君理媒人致吉語謂當可君意妾顏雖
改蘭質存君今老矣雙瞳昏望不見心氤氳生世何不諳十
年一度重逢君

拉糧船

拉糧船聲何哀三月渡揚子四月渡長淮
行人共說拉船苦誰傳此聲中都女中都女兒年十五能以么絃作人語嘔呀
唧漫聲不停一聲高空入青冥千聲百聲轉相續十萬檣烏
尾撲途中都女汝傳此聲來何方不南不北音悠揚紅白繡
鞶尺半長三年辭家別爺娘獨柳樹邊秋雨暗倭瓜淀裏湖
風涼嗟爾拉船人酸嘶何時已君不見今年糧艘行復止膈
月黃河東連底船夫無袴丁無米官徵吏朴寂無聲十里清
江夜如水

題葉觀察橋西老屋圖

鳳城烟樹去駿駿越水吳山次第尋長記停車斜日下朱門
風細一蟬吟

庚申九月書感

北極天傾側東溟氣沸騰烟塵侵
御宿風雨暗烽棧諸道勤王少雄藩羽衛能漠南秋色遠紅日塞垣升

紫禁稀宮漏黃圖擁賊壕六宮隨玉輦萬騎出神皋太弟專征貴元功夾輔高金湯無恙在祇恐聖躬勞

和戰經三載居行半六卿妖氛纏析木賊火散昆明荒服還交禮王人許涖盟一家中外共鐘鑑忽重驚

江介仍殘孽淮堧故戰場竄身衣百結望闕淚千行七聖迷襄野三年困鬼方長城伸勿壞早晚啟汾陽

避地東歸舊宅示子姪兼柬親友

不爲驚烽火何由返舊邱花殘春水宅書亂夕陽樓別舍仍

歸燕荒池不下鷗所親問戎馬屈指淚長流

全家車一乘百里舍三遷賊勢迴殘雨鄉園聚晚烟望門愁
倉猝蒙袂強周旋歌哭平生地今宵乍穩眠

門戶何曾讀兒童已一家淚痕方寂莫笑語忽喧嘩傍榻安
書帙挑燈拂劍花傳烽天外遠猶暝小窗紗

舍北雙槐樹陰連一畝餘所悲分植久莫忘結根初接葉巢
鳥暗流膠上蟻徐行人仍指點十里靄吾廬

北海孫賓石

孫文學

西涼馬少游

馬上舍

髻華衰共認酒煎夜相

求野騎花塍遠春燈竹嶼幽因君訪世事或恐遇田疇

淮麥垂垂白江梅冉冉黃謳聲民築壘急鼓縣徵糧祇益驚
雞犬長愁挹酒漿桃花紅已過絕境茫茫